

四庫全書

史部

欽定四庫全書

吏部

前漢書卷一百下

詳校官侍讀臣陳萬青

洗馬臣王坦修覆勘

覆校官中書臣馮培

校對官中書臣汪日章

謄錄監生臣陸維新

欽定四庫全書

前漢書卷一百五

漢 蘭 臺

史班 固撰

唐正議大夫行秘書少監琅邪縣開國子顏師古注

叙傳第七上

班氏之先與楚同姓令尹子文之後也○宋祁曰今越本無之字子

文初生棄於魯中而虎乳之師古曰魯雲魯澤也春秋左氏傳曰楚若敖娶於邲

生鬬伯比若敖卒從其母鬬於邲淫於邲子之女生子文焉邲夫人使棄諸魯中獸乳之邲子田見之懼而歸

夫人以告遂使收之曹與夢楚人謂乳穀謂虎於擇

同並音莫風反又音莫鳳反

曰穀音構牛羊乳汁曰構師古曰穀讀如本字又音乃

苟反於音烏擇字或作菟並音塗○宋祁曰淳化本作

楚人謂乳為穀故名穀於擇字子文楚人謂虎班其子

謂虎為於擇

故名穀於擇字子文楚人謂虎班其子

以為號師古曰子文之子秦之滅楚遷晉代之間因氏

以為號

關班亦為楚令尹

秦之滅楚遷晉代之間因氏

馬

師古曰遂以班為姓

始皇之末班壹避墜於樓煩

師古曰墜古地字樓煩鴈

門之致馬牛羊數千羣值漢初定與民無禁當孝惠高

縣之

致馬牛羊數千羣值漢初定與民無禁當孝惠高

后時以財雄邊

師古曰國家不設衣服車旗之禁故班氏以多財而為邊地之雄豪

出入

弋獵旌旗鼓吹年百餘歲以壽終故北方多以壹為字

者

師古曰馬邑人聶壹之類也今流俗書本多改此傳壹字為懿非也

壹生孺孺為任俠

州郡歌之孺生長官至上谷守長生回以茂材為長子

令

師古曰上黨之縣長讀如本字

回生況舉孝廉為郎積功勞至上河

農都尉

師古曰上河地名農都尉者典農事

大司農奏課連最入為左曹

越騎校尉成帝之初女為婕妤致仕就第貲累千金徙

昌陵昌陵後罷大臣名家皆占數于長安

師古曰占度也自隱度家

之口數而著名籍也占音之瞻反

況生三子伯旂穉伯少受詩於師丹

大將軍王鳳薦伯宜勸學召見晏昵殿

師古曰親戚宴飲會同之殿○

宋祁曰張晏解與師古同字林昵近也乃吉反容貌甚麗誦說有法拜為中常

侍時上方鄉學

師古曰鄉讀曰嚮

鄭寬中張禹朝夕入說尚書

論語於金華殿中

師古曰金華殿在未央宮

詔伯受焉既通大義又

講異同於許商遷奉車都尉數年金華之業絕出與王

許子弟為羣在於綺襦紈袴之間非其好也

晉灼曰白綺之襦冰

紈之袴也師古曰紈素也綺今細綾也並貴戚子弟之服

家本北邊志節忼慨數求

使匈奴河平中單于來朝上使伯持節迎於塞下會定

襄大姓石季羣輩報怨殺追捕吏

師古曰報私怨而殺人吏追捕之又殺吏

○宋祁曰懷字越本作杭石季越本作石伯上狀因自

李報怨殺淳化本及越本作報怨寇追殺

請願試守期月師古曰欲守定

上遣侍中中郎將王舜

馳傳代伯護單于

師古曰傳音張戀反

并奉璽書印綬即拜伯為

定襄太守

師古曰即就也

定襄聞伯素貴年少自請治

劇畏其下車作威吏民竦息伯至請問耆老父祖故人

有舊恩者

師古曰請召也

迎延滿堂日為供具

師古曰酒食之具也供音居用

反執子孫禮郡中益施

師古曰施解也見伯諸所賓禮不用威刑故自解縱

皆名豪懷恩醉酒共諫伯宜頗攝錄盜賊具言本謀亡

匿處伯曰是所望於父師矣

師古曰齒為諸父尊之如師故曰父師

廼召

屬縣長吏選精進掾史

師古曰精明而進趨也

分部收捕

師古曰分音扶

問反及它隱伏旬日盡得郡中震輿咸稱神明

師古曰輿古栗字

歲餘上徵伯伯上書願過故郡上父祖冢有詔太守都

尉以下會

師古曰同赴其所

因召宗族各以親疎加恩施散數

百金北州以為榮長老紀焉

師古曰紀記也

道病中風

師古曰中傷也

為風所傷既至以侍中光祿大夫養病

師古曰受其秩俸而在家自養也

賞

賜甚厚數年未能起會許皇后廢班倢伃供養東宮

李奇

曰元后進侍者李平為倖子而趙飛燕為皇后伯遂稱

篤久之上出過臨候伯伯惶恐起眊事師古曰眊自大

將軍薨後師古曰富平定陵侯張放淳于長等始愛幸

出為微行行則同輿執轡入侍禁中設宴飲之會及趙

李諸侍中皆引滿舉白服虔曰舉滿括有餘白漑者罰

不也師古曰謂引取滿觴而飲飲訖舉觴告白盡不也

一說白者罰爵之名也飲有不盡者則以此爵罰之魏

文侯與大夫飲酒令曰不醕者浮以談笑大噓師古曰

大白於是公乘不仁舉白浮君是也談笑大噓

字也噓噓笑聲也音其略反或曰時乘輿幄坐張畫屏

噓謂唇口之中大笑則見此說非

風

師古曰坐音才卧反

畫紂醉踞妲己作長夜之樂上以伯新起

數目禮之

師古曰目視而敬之

因顧指畫而問伯紂為無道至於

是乎伯對曰書云廼用婦人之言

師古曰今文尚書泰誓之辭

何有

踞肆於朝

師古曰肆放也陳也

所謂衆惡歸之不如是之甚者也

師古曰論語稱孔子曰紂之不善不如是之甚也是以君子惡居下流天下之惡皆歸焉故伯引此為言

上

曰苟不若此此圖何戒伯曰沈湎于酒微子所以告去

也

師古曰微子殷之卿士封於微爵稱子也殷紂錯亂天命微子作誥告箕子比干而去紂其誥曰用沈酗

于酒用亂敗厥德于下我其發出狂

吾家耄邁于荒事見尚書微子篇 式號式諄大雅所

以流連也

師古曰大雅蕩之詩曰式號式譁俾畫作夜言醉酒號呼以晝為夜也流連言作詩之人

嗟歎而泣涕流連也而說者乃以流連為流亡蓋失之矣大雅所以流連不謂飲酒之人也譁音火故反詩

書淫亂之戒其原皆在於酒上迺喟然歎曰吾久不見

班生今日復聞讜言

師古曰讜言善言也音黨

放等不懌

師古曰懌悅也音亦

稍自引起更衣因罷出時長信庭林表適使來聞見之

孟康曰長信太后宮名也庭林表宮中婦人官名也師古曰長信宮庭之林表也林表官名耳庭非官稱也○

宋祁曰林表晉灼曰應劭書作材表宮人之有材能者表其師也張晏曰林君也表外也於宮外傳威儀也

後上朝東宮太后泣曰帝間顏色瘦黑

師古曰間謂比日也班侍

中本大將軍所舉宜寵異之益求其比以輔聖德

師古曰比

類也音必寐反

宜遣富平侯且就國上曰諾車騎將軍王音聞

之以風丞相御史

師古曰風讀曰諷

奏富平侯罪過上廼出放

為邊都尉後復徵入太后與上書曰前所道尚未效

張晏

曰謂上所言班侍中本大將軍所舉宜寵異之

富平侯反復來其能默虐

如淳曰富

平侯張放復來太后安能默然不以為言

上謝曰請今奉詔是時許商為少

府師丹為光祿勳上於是引商丹入為光祿大夫伯遷

水衡都尉與兩師並侍中

如淳曰兩師許商師丹

皆秩中二千石

每朝東宮常從及有大政俱使諭指於公卿上亦稍厭
游宴復修經書之業太后甚悅丞相方進復奏富平侯
竟就國會伯病卒年三十八朝廷愍惜焉旌博學有俊
材左將軍史丹舉賢良方正以對策為議郎遷諫大夫

右曹中郎將與劉向校祕書每奏事

師古曰旌每旌以奏校書之事

選受詔進讀羣書

師古曰於天子前讀書

上器其能賜以祕書之

副時書不布

師古曰謂不出之於羣下

自東平思王以叔父求太史

公諸子書大將軍白不許語在東平王傳

師古曰此言東平王求書

不得而存獲賜
祕書明見寵異

存亦早卒有子曰嗣顯名當世穉少為

黃門郎中常侍方直自守成帝季年立定陶王為太子

數遣中盾請問近臣

師古曰盾讀曰允百官表云詹事之屬官也漢舊儀云秩四百石主

徽巡宮中○蕭該音義曰中盾韋昭曰太子宮中盾長也該案盾音允

穉獨不敢答

師古曰言

其慎哀帝即位出穉為西河屬國都尉遷廣平相王莽少

與穉兄弟同列友善兄事存而弟畜穉

師古曰事存如兄遇穉如弟

存之卒也修總麻賻贈甚厚

師古曰送終者布帛曰賻車馬曰贈賻音附贈音芳

鳳反平帝即位太后臨朝莽秉政方欲文致太平

師古曰言欲以

文教致太平○劉敞曰公羊春秋說文致太平者以春秋亂世但聖人作文致之如太平耳莽政既惡而飾虛

以自章大是亦文致也

使使者分行風俗采頌聲

師古曰行

豈謂文教致太平乎

音下更反

而穉無所上師古曰不稱琅邪太守公孫闔言災

害於公府大司空甄豐遣屬馳至兩郡諷吏民

師古曰遣言祥

應而隱除災害也

而劾闕空造不祥穉絕嘉應嫉害聖政皆不

道太后曰不宣德美宜與言災害者異罰且後宮賢家

我所哀也

師古曰班婕妤有賢德故哀閔其家

闕獨下獄誅穉懼上書陳

恩謝罪願歸相印入補延陵園郎太后許焉食故祿終

身由是班氏不顯莽朝亦不罹咎

師古曰罹遭也

初成帝性寬

進入直言是以王音翟方進等繩法舉過

師古曰論天子之過失

而劉向杜鄴王章朱雲之徒肆意犯上

師古曰肆極也

故自帝

師安昌侯諸舅大將軍兄弟及公卿大夫後宮外屬史

許之家有貴寵者莫不被文傷詆

師古曰詆毀也音丁禮反

唯谷永

嘗言建始河平之際許班之貴傾動前朝熏灼四方賞

賜無量空虛內臧女寵至極不可尚矣今之後起天所

不饗什倍於前永指以駁譏趙李亦無間云

師古曰雖谷永嘗有

此言而意專在趙李耳自餘劉向之徒
又皆不論班氏也間非也音居覓反
穉生彪彪字叔

皮幼與從兄嗣共遊學家有賜書內足於財好古之士

自遠方至父黨揚子雲以下莫不造門
師古曰造至也音千到反嗣

雖修儒學然貴老嚴之術
師古曰老老子也嚴莊周也桓生欲借其

書
師古曰桓譚嗣報曰若夫嚴子者絕聖棄智修生保真清

虛澹泊歸之自然
師古曰澹泊安靜也澹音徒濫反泊音步各反又音魄獨師友

造化而不為世俗所役者也漁釣於一壑則萬物不奸

其志
師古曰奸犯也音干栖遲於一丘則天下不易其樂不結聖

人之罔

師古曰結讀與挂同聖人謂周孔也

不皐驕君之餌

應劭曰皐音六畜之畜師

古曰皐古嗅字也餌謂爵祿君所以制使其臣亦猶釣魚之設餌也

○宋祁曰皐字書火又反注文設一作投

蕩然肆志談者不得而名焉

師古曰肆放也

故可貴也今吾子

已貫仁誼之羈絆繫名聲之韁鎖

師古曰韁音薑○宋祁曰絆字

書音

伏周孔之軌躅

鄭氏曰躅迹也三輔謂牛蹄處為

拘拘

馳顏閔之極摯

劉德曰摯至也人行之所極至

既繫轡於世教矣

何用大道為自眩曜

師古曰言用老子莊周之道何為但欲以名自眩曜耳眩音州縣之

縣

○宋祁曰曜字下浙本有也字

昔有學步於邯鄲者曾未得其髣髴

又復失其故步遂匍匐而歸耳

師古曰匍音扶

恐似此

類故不進

師古曰言不與其書嗣之行已持論如此叔皮唯聖人

之道然後盡心焉

張晏曰固不欲言父諱舉其字耳

年二十遭王莽敗

世祖即位於冀州時隗囂據壘擁衆招輯英俊

師古曰輯與集

同○宋祁曰壘字下當有右字

而公孫述稱帝於蜀漢天下雲擾

師古曰言

盜賊擾亂如雲而起

大者連州郡小者據縣邑囂問彪曰往者周

亡戰國並爭天下分裂數世然後廼定其抑者從橫之

事復起於今乎

師古曰抑語辭

將承運迭興在於一人也

師古曰迭

互也音大結反

願先生論之對曰周之廢興與漢異昔周立爵

五等諸侯從政

師古曰言諸侯之國各分為政

本根既微枝葉强大

師古

曰本根謂王室也枝葉謂諸侯

故其末流有從橫之事其執然也漢家

承秦之制並立郡縣主有專已之威臣無百年之柄至

於成帝假借外家

師古曰假音工暇反借音子夜反

哀平短祚國嗣三

絕危自上起傷不及下故王氏之貴傾擅朝廷能竊號

位而不根於民

師古曰言無據援

是以即真之後天下莫不引

領而歎十餘年間外內騷擾遠近俱發假號雲合咸稱

劉氏不謀而同辭方今雄桀帶州城者皆無七國世業

之資

○宋祁曰城或作域

詩云皇矣上帝臨下有赫鑒觀四方求

民之莫

師古曰大雅皇矣之詩也皇大也上帝天也莫定也言大矣天之視下赫然甚明監察衆國求

人所定而授之

今民皆謳吟思漢鄉仰劉氏已可知矣

師古曰鄉讀曰

嚮囂曰先生言周漢之執可也至於但見愚民習識劉

氏姓號之故而謂漢家復興疏矣昔秦失其鹿劉季逐

而拑之

師古曰拑偏持其足也音居蟻反

時民復知漢序既感囂言又

愍狂狡之不息

○宋祁曰韋昭音義作火旁息音熹既反字林音息是以今漢書止作息字

迺著王命論以救時難其辭曰昔在帝堯之禪曰咨爾

舜天之歷數在爾躬舜亦以命禹

師古曰事見論語

皋于稷契

咸佐唐虞

師古曰契讀與萬同字本作契○宋祁曰尚書音巨泣反

光濟四海奕世

載德

師古曰載承也言相因不絕

至于湯武而有天下雖其遭遇異

時禪代不同至于應天順民其揆一也

師古曰言堯舜以文德相禪湯

武以征伐代興各上應天命下順人心

是故劉氏承堯之祚氏族之世著

乎春秋

師古曰謂士會歸晉其處者為劉氏

唐據火德而漢紹之始起沛

澤則神母夜號以章赤帝之符由是言之帝王之祚必

有明聖顯懿之德豐功厚利積累之業

師古曰象古累字○宋祁曰師

古曰下當有豐古鄧字四字

然後精誠通於神明流澤加於生民故

能為鬼神所福饗天下所歸往未見運世無本功德不

紀

師古曰不紀不為人所記

而得屈起在此位者也

師古曰屈起特起也屈音其勿

反世俗見高祖興於布衣不達其故以為適遭暴亂得

奮其劒游說之士至比天下於逐鹿幸捷而得之不知

神器有命不可以智力求也

劉德曰神器璽也李奇曰帝王賞罰之柄也師古曰

李說是也○劉奉世曰神器者聖人之大寶曰位是也

悲夫此世所以多亂臣賊

子者也若然者豈徒闇於天道哉又不覩之於人事矣

夫餓饉流隸饑寒道路

師古曰隸賤隸

思有短褐之褻儋石之

畜

師古曰褻謂親身之衣也音先列反一說云衣破壞之餘曰褻儋石解在荆通傳音丁檻反畜讀曰蓄○

蕭該音義曰字林曰褻褻衣也文篋反

所願不過一金然終於轉死溝壑

何則貧窮亦有命也況庠天子之貴四海之富神明之

祚可得而妄處哉故雖遭罹阨會竊其權柄

師古曰罹亦遭也音

離

勇如信布彊如梁籍成如王莽然卒潤鑊伏質亨醢

分裂

師古曰質鑊也伏於鑊上而斬之也鑊音竹林反

又況么膺尚不及數子

鄭氏曰膺音麼小也晉灼曰此骨偏膺之膺也師古曰

鄭音是也么麼皆微小之稱也么音一亮反麼音莫可

反骨偏膺自音麼與此而欲闇奸天位者虐師古曰奸

義不相合晉說失之

祁曰奸字詁是故駑蹇之乘不騁千里之塗燕雀之疇

古文千字

不奮六駟之用槩稅之材不荷棟梁之任師古曰槩即

也稅梁上短柱也槩音節字亦或作節稅音之說反○

蕭該音義曰韋昭槩音節一名槩即柱上方木也鄭氏

槩音贊應劭曰爾雅曰斗筭之子不秉帝王之重師古

稅朱槩也音之劣反

筭言小器也解在公孫劉田傳筭音山交反○蕭該音

義曰字林曰筭飯筭也受五升泰云山山交反該案筭或

作筭論語曰斗筭易曰鼎折足覆公餗師古曰鼎卦九

之人何足算也

欽定四庫全書

前漢書

十二

也音速○蕭該音義曰字林曰餽鼎實也韋昭音義餽字作鬻曰菜羹曰鬻音速該菜字林餽或作鬻字異音

訓則

不勝其任也當秦之末豪桀共推陳嬰而王之嬰

母止之曰自吾為子家婦而世貧賤

師古曰而汝也

卒富貴不

祥不如以兵屬人

師古曰屬委也音之欲反

事成少受其利不成禍

有所歸嬰從其言而陳氏以寧王陵之母亦見項氏之

必亡而劉氏之將興也是時陵為漢將而母獲於楚有

漢使來陵母見之謂曰願告吾子漢王長者必得天下

子謹事之無有二心遂對漢使伏劍而死以固勉陵其

後果定於漢陵為宰相封侯夫以匹婦之明

師古曰凡言匹夫匹

婦謂凡庶之人一夫一婦當相配匹

猶能推事理之致探禍福之機而全

宗祀於無窮垂策書於春秋

師古曰春秋史記事之總稱

而況大丈

夫之事庠是故窮達有命吉凶由人嬰母知廢陵母知

興審此四者帝王之分決矣

師古曰分音扶問反

蓋在高祖其興

也有五

師古曰王命論叙高祖之德及班氏漢書叙目所稱引事皆具見本書不須更解以穢篇籍其

有辭句隱互尋覽難知者則具釋焉浮汎之說蓋無取也○宋祁曰注文汎字浙本作冗字

一曰帝

堯之苗裔二曰體貌多奇異三曰神武有徵應四曰寬

明而仁恕五曰知人善任使加之以信誠好謀達於聽
受見善如不及用人如由己從諫如順流趣時如嚮赴

師古曰嚮讀曰響如響之赴聲也

當食吐哺納子房之策拔足揮洗揖

酈生之說寤戍卒之言斷懷土之情

師古曰洛陽近沛高祖來都關中故

云斷懷土之情也斷音丁喚反

高四皓之名割肌膚之愛

晉灼曰不立戚夫人子

舉韓信於行陳收陳平於亡命英雄陳力羣策畢舉此

高祖之大略所以成帝業也若廼靈瑞符應又可略聞

矣初劉媪任高祖而夢與神遇

師古曰任謂懷妊也

震電晦冥有

龍蛇之怪及其長而多靈有異於衆是以王武感物而

折券吕公覩形而進女秦皇東游以厭其氣吕后望雲

而知所處師古曰厭音一葉反○蕭該音義曰韋昭曰厭合也劉氏曰厭當也始受命則

白蛇分西入關則五星聚故淮陰留侯謂之天授非人

力也歷古今之得失驗行事之成敗稽帝王之世運考

五者之所謂取舍不厭斯位符瑞不同斯度劉德曰厭當也師古

曰音一涉反而苟昧於權利越次妄據師古曰昧貪也外不量力內

不知命則必喪保家之主失天年之壽遇折足之凶伏

鈇鉞之誅

師古曰鈇音方于反

英雄誠知覺寤畏若禍戒

師古曰若順也

超然遠覽淵然深識收陵嬰之明分絕信布之覲覲

師古

曰分音扶問反覲音冀覲音踰○蕭該音義曰字書曰覲幸也覲欲也

距逐鹿之瞽說審

神器之有授母貪不可幾為二母之所笑

師古曰不可幾謂不可底

幾而望也一說幾讀曰冀

則福祚流于子孫天祿其永終矣知隗囂

終不寤廼避墜於河西

師古曰墜古地字○蕭該音義曰隗囂諸詮上五罪反下許妖

反河西大將軍竇融嘉其美德訪問焉

師古曰每事皆與謀舉茂

材為徐令以病去官後數應三公之召仕不為祿所如

不合

師古曰如往也不苟得祿故所往之處不合其意

學不為人博而不俗言

不為華述而不作有子曰固弱冠而孤

師古曰固年二十也作幽

通之賦以致命遂志

劉德曰致極也陳吉凶性命遂明己之志

其辭曰系高

項之玄冑兮氏中葉之炳靈

應劭曰系連也冑緒也言已高陽顓頊之連緒也顓

項北方水位故稱玄中葉謂令尹子文也虎乳故曰炳靈

繇凱風而蟬蛻兮雄朔野

以颺聲

應劭曰凱風南風也朔北方也言先祖自楚遷北若蟬之蛻也師古曰繇讀與由同從也蛻音

祝颺與揚同○宋祁曰注文颺字下當有讀字

皇十紀而鴻漸兮有羽儀於上

京

應劭曰十紀漢十世也張晏曰易曰鴻漸于陸其羽可用為儀成帝時班沉女為婕妤父子並在京師為

朝臣也晉灼曰皇漢皇也

巨滔天而泯夏兮考邁愍呂行謠應巨王莽

字巨君也張晏曰彪遇王莽之敗憂思歌謠也師古曰滔漫也言不畏天也泯滅也夏諸夏也考班固自言其

父也邁遇也愍憂也徒歌曰謠終保已而貽則兮里上仁之所廬師古

其父遭時濁亂以道自安終遺盛法而處仁者所居也論語稱孔子曰里仁為美擇不處仁焉得智故引以為

解懿前烈之純淑兮窮與達其必濟師古曰固自言美

獨善達能兼濟也咨孤矇之眇眇兮將圯絕而罔階師古

曰眇眇微細也圯毀也固自言孤弱懼將毀絕先人之跡無階路以自成○蕭該音義曰韋昭曰圯毀也音數

委反字書豈余身之足殉兮悼世業之可懷師古曰殉

父已反

反

豈余身之足殉兮悼世業之可懷

營也悼字

與建同建是也懷思也悻音于匪反○蕭該音義曰字林曰殉殺生送死也說文悻猶文建建是也劉氏及廣雅並云靖潛處以永思兮經日月而彌遠匪黨人之敢

悻恨也拾兮庶斯言之不玷

蘇林曰拾音負拾之拾應劭曰拾更也自謙不敢與鄉人更進也師

古曰靖古靜字也拾音其業反玷缺也更音工衡反魂煢煢其神交兮精神發於

宵寐夢登山而迥眺兮覲幽人之髣髴

張晏曰幽人神人也師古曰覲

見也音廸○宋祁曰其字當作與

檻葛藟而授余兮眷峻谷曰勿隧

師古

曰檻執取也言入峻谷者當據葛藟可以免于顛墜猶處時俗者當據道義然後得用自立故設此喻託以夢也一說藟葛屬也葛之與藟皆有蔓為檻音攬其字從手藟音力水反○宋祁曰據葛藟當作攀蔓為當作蔓

焉助昕寤而仰思兮心蒙蒙猶未察

孟康曰助昕早旦也覺寤思念未知

其吉凶也師古曰助音忽昕音欣○蕭該音義曰鄧展助音昧該案字書助尚冥也音勿諸詮方昧反○劉奉

世曰但以察合韻音蔡則協韻矣黃神邈而靡質兮儀遺識以臆對應

曰黃帝善占夢久遠無從得問準其識書以意求其象也賈誼曰識言其度應劭曰臆胷臆也師古曰對合韻

音丁忽反○蕭該音義曰蒼頡篇曰識書河洛書也該案諸詮音楚鵠反曰乘高而選神兮

道遐通而不迷選師古曰登山見神故曰乘高也葛縣

於樛木兮詠南風以為綏應劭曰周南國風其詩曰南有樛木葛藟之樂只君子

福履綏之師古曰樛木下垂之木也綏安也樛音居虬反累音力退反○蕭該音義曰樛亦作糾韋昭曰糾下

曲也居
駢反

蓋惴惴之臨深兮乃二雅之所祗師古曰詩小雅小宛之篇

曰惴惴小心如臨于谷惴惴恐懼之貌也小旻篇曰戰戰兢兢如臨深淵如履薄冰言恐懼墜陷也故云二雅之

所祗惴音

既諄爾以告象兮又申之以炯戒

師古曰諄告也炯明

也諄音碎炯音公迥反○宋祁曰告當作吉蕭該音義曰說文曰諄讓也息悴反

盍孟晉以迨

羣兮辰倏忽其不再

服虔曰盍何不也孟勉也晉進也迨及也何不早進仕以及輩也師

古曰辰時也倏忽疾也言時疾過不再來也倏音式六反○宋祁曰晉或作晉亦作晉

承靈訓其

虛徐兮佇盤桓而且俟

孟康曰虛徐懷疑也張晏曰佇久也俟待也

惟天墜

之無窮兮蠱生民之晦在

晉灼曰蠱古鮮字也應劭曰晦無幾也師古曰墜古地字

也。蠱，少也。言天地長久而人壽短促也。蠱，音先。踐反。○
蕭該音義曰：晦，韋昭音謀，鬼反。又音梅，字林曰：晦，微視。

貌。目，紛屯。亶與蹇連兮，何艱多而智寡。
孟康曰：世艱難多智者少，故遇

禍也。師古曰：易屯卦六二爻辭曰：屯如亶如，蹇卦六四爻辭曰：往蹇來連，皆謂險難之時也。亶音竹，延反。連音

力善。上聖寤而後拔兮，豈羣黎之所御。
師古曰：黎衆也。言上聖之人猶

遇紛難，覩機能寤，然後自拔。文王、姜里、孔
子於匡是也。至於衆庶，豈能豫禦之哉。昔衛叔之御

昆兮，昆為寇而喪予。
孟康曰：御，迎也。昆，兄也。衛叔武迎兄成公，成公令前驅射殺之。師古

曰：御音五，駕反。衛
叔解在五，行志。管彎弧欲斃讎兮，讎作后而成已。
師古

曰：謂管仲射桓公中帶，變化故而相詭兮，孰云豫其終。
鉤桓公反國以為相也。

始師古曰雍造怨而先賞兮丁繇惠而被戮師古曰雍

讀與由同繇梟取弔于迨吉兮王膺慶於所憾應劭曰梟

有子而以妬見廢王宣帝王婕妤也以無子為憂而畔

以謹教得母元帝也師古曰迨古攸字也攸亦所也畔

回穴其若茲兮北叟頗識其倚伏師古曰畔亂貌也回

人稱也淮南子曰北塞上之人其馬無故亡入胡中人

皆弔之其父曰此何詎不為福居數月其馬將胡駿馬

而歸人皆賀之對曰此何詎不為禍家富馬良其子好

騎墮而折髀人皆弔之對曰此何詎不為福居一年胡

夷大入丁壯者皆控弦而戰塞上之人死者十九此獨

以跛之故父子相保老子德經曰禍兮福所倚福兮禍

所伏故頗識其倚單治裏而外凋兮張修祿而內逼

伏倚音於綺反應

曰單單豹也靜居其所以理五內處深山為虎所食張
張殺也外修恭敬斯徒馬圉皆與亢禮不勝其勞內熱
而死師古曰襍表也單音善襍音布谷反○蕭該音義
曰晉灼曰襍音素衣朱襍該案詩音博字林曰襍黼衿
也方吹中蘇為庶幾兮顏與冉又不得師古曰吹古聿
字也蘇古和字

也聿由也由中和之道可以庶幾免於禍難而顏回早
死冉耕惡疾為善之人又不得其報也○宋祁曰注文
聿由也由中和二字皆當作曰字溺招路以從己兮謂孔氏猶未可安

惱惱而不能兮卒隕身虐世既鄧展曰惱惱亂貌也
避也師古曰溺染溺也

路子路也論語稱長沮桀溺耦而耕孔子過之使子路
問津焉桀溺曰子孔丘之徒歟對曰然曰惱惱者天下
皆是也而誰以易之且而與其從避人之士豈若從避
世之士哉言天下皆亂汝將用誰變易之乎避人之士

謂孔子避世之士溺自謂也而子路安之卒不能避乃
遇蒯瞶之亂身死敵也惱音士高反蒯音扶味反字本
作腓其音同○蕭該音義曰蒯牛羊腓字之腓蒯假借
腓避也韋昭曰蒯避也音肥晉灼音義作遯云遯避也
曹大家注幽通游聖門而靡救兮顧覆醢其何補曰師古
賦云蒯避也
記云孔子哭子路於中庭既哭進使者而問故使者曰
醢之矣遂命覆醢賦言子路游聖人之門而孔子不能
救之以免於難雖固行行其必凶兮免盜亂為賴道
為覆醢無所補益
曰論語稱閔子侍側閔如也子路行行如也子樂曰
若由也不得其死然又稱子路曰君子上勇乎曰君子
義以為上君子有勇而無義為亂小人有勇而無義為
盜賦言子路稟行行之性其凶必也所以免為於亂盜
者賴聞道於孔子也行行剛強之貌也行音形氣發于
胡浪反○蕭該音義曰行行諸詮音胡浪反

根抵兮柯葉彙而靈茂

師古曰抵本也彙盛也靈善也言草木本根氣強則枝葉盛而

善美人之先祖有大功德則眉緒亦蕃昌也抵音丁計反茂合韻音莫口反○蕭該音義曰彙服虔曰彙類也

音近卉服虔音卉應劭音謂該案字書音謂

恐同炳之責景兮慶未得其云

已

師古曰慶發語辭讀與羌同已止也莊子云同兩問景曰曩子行今子止曩子坐今子起何其無特操歟

景曰吾有待而然吾所待又有待而然賦言景之行止皆隨於形草木枝葉各稟根抵人之餘慶資於積善亦

猶此也

黎淳耀于高辛兮芊彊大於南汜

應劭曰黎楚之先也淳美也高

辛帝嚳之號芊楚姓汜涯也師古曰言黎在高辛之時為火正有美光耀故其後嗣霸有楚國於南方也汜江

水之別也音祀召南之詩曰江有汜芊音弭

羸取威於百儀兮姜夔支序三

止

應劭曰嬴秦姓也伯益之後也伯益為虞有儀鳥獸百物之功秦所由取威於六國也姜齊姓也止禮也

齊伯夷之後伯夷為秩宗典天地人鬼之禮也○蕭該音義曰止文選作趾劉奉世曰百儀則栢翳也語訛耳

既仁得其信然兮印天路而同軌

視劉德曰人道既然仰

古曰仁得謂求仁而得仁也印讀曰仰

東公虐而殲仁兮王合位虐三五

應劭曰東公紂也殲盡也王武王也欲從五位三所即國語歲日月星辰之所在也師古曰公古鄰字也仁即

三仁也國語稱冷州鳩對景王曰昔武王伐殷歲在鵠火月在天駟日在析木之津辰在斗杓星在天鼃星與

日辰之位皆在北維顛項之所建也我姬氏出自天鼃又析木者有建星及牽牛焉則我皇妣大姜之姓伯陵

之後逢公之所憑神也歲之所在則我有周之分野也月之所在辰為農祥也我太祖后稷之所經緯王欲合

是五位三所用之五位謂歲日月辰星也三
所謂逢公所憑神周分野所在后稷所經緯也
戎女烈

而喪孝兮伯徂歸於龍虎

孟康曰伯晉文公也歲在卯
出歷十九年過一周歲在酉

入卯為龍酉為虎也師古曰戎女驪戎之女謂驪姬也
烈酷也孝謂太子申生也伯讀曰霸言文公霸諸侯也
徂徂也言以龍徂出以虎歸入也○劉敞曰重耳之出
也歲在大火故云龍及其入也在大梁故曰虎非卯酉
也發還師以成性兮重醉行而自耦

師古曰發武王初
也性命也武王初

觀兵於孟津八百諸侯不期而會皆曰紂可伐矣武王
曰爾未知天性還師二年紂殺比干囚箕子武王乃伐
克之於是成天命也重謂重耳晉文公名也耦合也文
公初出奔至齊齊桓公妻之有馬二十乘文公欲安之
齊姜乃與子犯謀醉而遣之後遂反國
與時會也應劭曰耦與天時偶會也
震鱗虀于夏庭

兮市三正而滅周

應劭曰易震為龍鱗蟲之長也蓼沫也師古曰謂褒姒也解在五行志三

正歷夏殷周也蓼音丑之反正音之盈反

異羽化于宣宮兮彌五辟而成災

應劭曰易巽為雞羽蟲也宣帝時未央宮路軫殿中雌雞化為雄元后統政之祥也至平帝歷五世而王莽篡

位○宋祁曰注未當有五辟宣元成哀平也八字

道悠長而世短兮賈冥默而

不周

劉德曰賈遠也周至也冥默玄深不可通至也○蕭該音義曰賈冥晉灼曰賈音目賈賈而喪精呵

縣反該案目賈賈而喪精出王延壽靈光殿賦諸詮音呼政反韋昭曰賈遠也呼迥反

胥仍物而

鬼諏兮廼窮宙而達幽

應劭曰胥須也仍因也諏謀也易曰人謀鬼謀百姓與能往古

來今曰宙聖人須因卜筮然後謀鬼神極古今通幽微也○蕭該音義曰諏字林曰諏聚謀也子于反諸詮祖

侯反宙韋昭曰天宙所愛曰宙曹大家注幽通賦云往
古來今謂之宙聖人所以能極數而知來者皆因卜筮
謀於鬼神**媯巢姜於孺筮兮旦算祀于挈龜**應劭曰媯陳姓

鬼神

媯巢姜於孺筮兮旦算祀于挈龜

也巢居也姜齊

姓也孺少也陳完少時其父厲公使周史卜得居有齊
國之卦也李奇曰算數也祀年也周公卜居洛得世三

十年七百也師古曰挈刻也詩大雅絲絲之篇曰爰挈
我龜言刻開之灼而卜之挈音口計反○劉敞曰算祀

挈龜亦言田完耳其兆
有五世八世是祀也

宣曹興敗於下夢兮魯衛名諡

於銘謠

應劭曰周宣王牧人夢衆魚與旃旌之祥而中
興曹伯陽國人夢衆君子立於社宮謀亡曹而

曹亡也孟康曰魯文成之世童謠言稠父喪勞宋父以
驕後昭公名稠遂死於野并定公名宋即位而驕衛靈

公掘地得石梓其銘
曰靈公遂以為謠

妣聆呱而刻石兮許相理而鞠條

應劭曰妣叔向之母也石叔向之子也聽其啼聲刻知其後必滅羊舌氏許負相周亞夫從理入口當餓死鞠窮也條亞夫所封也師古曰鞠告也○蕭該音道混成義曰該案曹大家本作劼石曹注舉罪曰劼

而自然兮術同原而分流師古曰大道混壹歸於自然之所趨雖有流別本則同

耳神先心以定命兮命隨行以消息師古曰言神明之道雖在人心之前

已定命矣然亦隨其所行以致禍福○宋祁曰別本皆無命字幹流遷其不濟兮故遭

罹而羸縮師古曰幹轉也言人之生各有遭遇不能必濟免於困厄各隨其所逢以致羸虧也三

樂同於一體兮雖移盈然不忒孟康曰晉大夫樂書書子麋麋子盈書賢而覆

麋麋惡而害盈也師古曰樂書樂武子也麋樂桓子也盈樂懷子也春秋左氏傳稱秦伯問於士鞅曰晉大夫

其誰先亡對曰其樂氏乎樂廬汰虐以甚猶可以免其在盈乎武子之德在人如周人之思邵公愛其甘棠況其子乎樂廬死盈之善未能及人武子所施沒矣廬之惡實彰將於是乎在其後至襄公二十一年終為范宣子所逐而出奔楚自楚適齊二十三

洞參差其紛錯兮

斯衆兆之所惑

師古曰衆兆兆底也

周賈盪而貢憤兮齊死生與

旤福

孟康曰莊周賈誼也貢惑也憤亂也放盪惑亂死生禍福之正也○蕭該音義曰貢晉灼音義作心

旁貢字林曰憤憤也李奇曰憤懣也抗爽言以矯情兮

信畏犧而忌鵬

孟康曰莊周不欲為犧牛賈誼惡忌鵬鳥也師古曰抗舉也爽差也謂二人雖

舉言齊死生壹禍福而心實不然是差謬也

所貴聖人之至論兮順天性而

斷誼

師古曰斷誼謂以誼斷之斷音丁喚反

物有欲而不居兮亦有惡而

不避

師古曰言富貴人之所欲不以其道則君子不居死亡人之所惡處得其節則君子不避也

守

孔約而不貳兮迺輒德而無累

師古曰孔甚也輒輕也言守其甚約執心不貳

舉德至輕無所累惑斯為可矣詩大雅烝民之篇曰德輶如毛人鮮克舉之輶音弋九反又音猶

三仁

殊而一致兮夷惠舛而齊聲

師古曰三仁紂賢臣也論語稱微子去之箕子為之

奴比干諫而死孔子曰殷有三仁焉夷伯夷也惠柳下惠也論語又稱逸人伯夷叔齊虞仲夷逸朱張柳下惠

少連賦言微子箕子比干所行各異而並稱仁伯夷不義武王伐殷至于不食周粟而死柳下惠三黜不去戀

父母之邦志執非舛俱有令名○木偃息呂蕃魏兮申

重繭呂存荆

師古曰木段干木也客居魏文侯敬而禮之過其閭未嘗不軾也秦欲伐魏或諫

曰魏君賢者是禮國人稱仁未可圖也秦遂止兵申謂申包胥荆即楚也繭足下傷起如繭也楚昭王時吳師

入郢昭王出奔申包胥如秦乞師踰越險阻曾繭重胾立於秦庭號哭七日秦哀公出師救楚而敗吳師昭王

反國將賞包胥包胥辭曰吾所以重繭為君耳非紀焚為身也逃不受賞○宋祁曰注文胾舊本作眡

躬以衛上兮皓頤志而弗營

師古曰紀紀信也脫漢王於難而為項羽所燒皓四

皓也處商洛深山高祖求之不得自養其志無所營屈侯中木之區別兮苟能實

而必榮要沒世而不朽兮迺先民之所程也張晏曰侯維

能有仁義之道必有榮名也師古曰侯發語辭也爾雅曰伊惟侯也程正也言人之操行所尚不同立德立言

期於不朽亦猶蘭蕙松柏各有本性馨烈材幹並擅貞
芳此乃古昔賢人以為正道也論語稱子夏曰君子之
道譬諸草木區以別矣故賦引之○宋祁
曰侯周詩曰侯文王孫子毛傳曰侯維也觀天罔之紘

覆兮實棐諶而相順

古曰尚書大誥曰天棐諶辭詩大

雅蕩之篇曰天生烝人其命匪諶易上繫辭曰天之所
助者順也賦言天道惟誠是輔唯順是助故引以為辭

也棐讀與匪同
諶音上林反

謨先聖之大繇兮亦以惠而助信

劉德

近也師古曰謨謀也繇道也从古鄰字詩小雅巧言之
篇曰秩秩大繇聖人謨之論語稱孔子曰德不孤必有

鄰易上繫辭曰人之所助者信也賦言若能謀聖人之
大道有德者必為同志所依履信者必獲他人之助謨

音募又
音莫

虞韶美而儀鳳兮孔忘味於千載

師古曰韶舜
樂名也虞書

舜典曰蕭韶九成鳳凰來儀論語云孔子在齊聞韶三月不知肉味賦言孔子去舜千歲也

素文信

而底麟兮漢賈祚于異代

應劭曰底致也孔子作春秋素王之文有視明禮修之信

而致麟漢封其後為褒成及紹嘉公係殷後為二代之客

精通靈而感物兮神動氣

而入徹養游睇而援號兮李虎發而石開

師古曰養養由基也楚之

善射者游睇流眄也楚王使由基射猿操弓而眄之猿

抱木而號知其必見中也李李廣也夜遇石以為猛獸而射之中石沒羽也○宋祁曰徹當作微游蕭本作流音義曰該案春秋作養由今漢書作流由與流亦互用

非精誠其焉通兮苟無實其孰信

師古曰信合韻音新操末技猶

必然兮矧湛躬於道真

師古曰矧況也湛讀曰耽躬親也射者微技猶能精誠感於猿

石沉立身種德親耽大道而不倦者乎○蕭該音義曰湛文選作醺登孔顥而上下兮緯

羣龍之所經

應劭曰顥太顥也孔子終始天道備矣孟康

曰孔甚也顥大也聖人作經賢者緯之也師古朝貞觀曰應說孔顥是也孟說經緯是也顥音胡老反

而夕化兮猶誼已而遺形

應劭曰貞正也觀見也誼忘也易曰天地之道貞觀者也

張晏曰言朝觀天道而夕死可也師古曰形已尚可遺忘沉外物者哉誼音許元反又音許遠反若亂

彭而偕老兮訴來哲以通情

師古曰彭彭祖也老老聃也言有繼續彭祖之志升

躡老聃之跡者則可亂曰天造少昧立性命兮

應劭曰

與言至道而通情也造萬物草創於冥昧之中皆立其性命也師

復心弘道

古曰易屯卦彖辭曰天造草昧故賦引之

惟賢聖兮

應劭曰易曰復其見天地之心乎論語曰人能弘道師古曰復音扶目反○蕭該音義曰

復一作腹張晏曰以道為腹心也弘道達於天地之性命也

渾元運物流不處兮

師古

曰渾元天地之氣也處止也渾音胡昆反

保身遺名民之表兮舍生取誼亦

道用兮

應劭曰孟子曰生我所欲也義我所欲也二憂者不可得兼舍生而取義也師古曰舍置也

傷天物忝莫痛兮

晉灼曰忝設也言死者莫痛於是也師古曰此說非也忝辱也言不達性

命自與憂傷為物所天既辱且痛莫過於此

吳爾太素曷渝色兮

服虔曰守死善道不

染流俗是謂浩爾太素何有變渝者哉師古曰渝音踰

尚粵其幾淪神域兮

應劭曰尚

上也粵於也易曰知幾其神乎淪入也師古曰尚庶幾也願也

永平中為郎典校秘書

專篤志於博學以著述為業或譏以無功又感東方朔
揚雄自諭以不遭蘇張范蔡之時曾不折之以正道明
君子之所守故聊復應焉其辭曰賓戲主人曰蓋聞聖
人有壹定之論列士有不易之分亦云名而已矣

如淳曰唯

貴得名也故太上有立德其次有立功夫德不得後身而特

盛功不得背時而獨章是以聖喆之治棲棲皇皇

師古曰不

安之意也孔席不煖墨突不黔

師古曰孔孔子墨墨翟也突竈突也黔黑也言志在明道

不暇安居○蕭該音義曰煖呂靜曰煖溫也

乃卯反黔字林曰黧黑也音琴又音匡炎反由此言之

取舍者昔人之上務著作者前列之餘事耳

劉德曰取者施行道

德舍者守靜無為也

今吾子幸游帝王之世躬帶寬之服

師古曰帶大帶

也冕冠也

浮英華湛道德

師古曰湛讀曰沈英華謂名譽也言外則有美名善譽內則履道崇

德

轡龍虎之文舊矣

孟康曰轡被也易曰大人虎變其文炳也言文章之盛久也晉灼曰

轡視也言目厭見其文久矣師古曰尋其下句孟說是也轡音莫限反

卒不能攄首尾奮

翼鱗振拔洿塗跨騰風雲

師古曰攄申也洿停水也塗泥也以龍為喻也洿音一故

反又音鳥○蕭該音義曰攄字林曰攄舒也尹於反又擬也

使見之者景駭聞之者

享震

師古曰享讀曰響見景則駭聞響則震合韻音之人反○宋祁曰享當作嚮注同

徒樂枕

經籍書紆體衡門

師古曰紆屈也衡門橫一木於門上○蕭該音義曰籍才亦反韋昭音義

作菹字慈固反說文曰菹茅藉也從草租若如韋昭音則漢書本作菹字上無所帶下無所

根獨攄意乎宇宙之外銳思於豪芒之內潛神默記恒

以年歲

如淳曰恒音亘竟之亘師古曰宇宙之外言宏廣也豪芒之內喻纖微也恒音工贈反

然

而器不賈於當已用不效於一世

劉德曰賈讎也師古曰當已謂及已身尚

在猶言當年也賈音古又音工暇反讎音齒九反○宋祁曰詩曰賈用不售賈音古齒九越本作上究反一本

作止雖馳辯如濤波擣藻如春華

師古曰大波曰濤擣布也藻文辭也猶

無益於殿最

師古曰殿音丁見反

意者且運朝夕之策定合會之

計使存有顯號亡有美諡不亦優厚主人道爾而笑曰

師古曰道古攸字也攸咲貌也若賓之言斯所謂見執利之華闇道德

之實守突奧之熒燭未印天庭而睹白日也

應劭曰爾雅東南隅

謂之突西南隅謂之奧師古曰突奧室中之二隅也熒燭熒熒小光之燭也印讀曰仰突音烏了反其字從宀天聲也○蕭該音義曰郭璞曰突音突該謂依儀禮宜言徒骨反○宋祁曰注文舊無燭熒熒三字浙本添

曩者王塗蕪穢周失其御侯伯方軌戰國橫騖於是七

雄虡闕分裂諸夏

應劭曰七雄秦及六國也師古曰虡音呼交反闕音呼敢反○蕭該音義

曰虡案字林音孝

龍戰而虎爭游說之徒風颺電激並起而救

之

師古曰颶讀與揚同○蕭該音義曰風颶該案韋昭音義作颶颶云颶風之聚隗者也音庖今漢書並作

風颶而電激也說文曰其餘焱飛景附煜霄其間者蓋

不可勝載

師古曰焱疾風也煜霄光貌也煜音于及反

韋昭煜音呼夾反霄音于俠反服虔曰煜音近霍叔音

為育霄音暈邇之暈字林曰霄震電也一日衆言也于

甲反煜音弋叔

當此之時搦朽摩鈍鈎刀皆能壹斷

師古

曰搦按也音女角反斷音丁喚反○蕭該音義曰搦韋昭曰搦女擢反說文曰搦按也史記曰搦髓腦湔浣腸

胃

是故魯連飛一矢而蹶千金虞卿以顧眄而捐相印

也應劭曰魯連齊人也齊圍燕將保於聊城魯連繫帛書於矢射與之為陳利害燕將得之泣而自殺譏

切魏新垣衍使不尊秦為帝秦時圍邯鄲為却五十里
趙遂以安趙王以千金為魯連壽不受魏齊為秦所購
迫急走趙趙相虞卿與齊有故然愍其窮於是解相印
間行與奔魏公子無忌也李奇曰蹶躅也距也師古曰
蹶音厥又夫啾發投曲感耳之聲合之律度淫繩而不
音具月反

可聽者非韶夏之樂也

李奇曰繩不正之音也師古曰啾發啾啾小聲而發也投曲趣

合屈曲也感耳動應衆庶之耳也然而不合律度君子
所不聽也淫繩非正之聲也不謂繩鼃之鳴也啾音子
由反○蕭該音義曰韋昭曰若繩

因執合變偶時之會

風移俗易乖忤而不可通者非君子之法也

師古曰雖偶當時之

會而不可以移風易俗

及至從人合之衡人散之

師古曰從亡命音子庸反

漂說羈旅騁辭

師古曰漂浮也音匹遙反

商鞅挾三術以鑽孝公李

斯奮時務而要始皇

應劭曰王霸富國強兵為三術也師古曰王一也霸二也富國強兵

也彼皆躡風雲之會履顛沛之執

師古曰顛沛僵仆也據微乘邪

以求一日之富貴

師古曰微要也據可以要迎之時也微音工堯反微字或作激激發也○

宋祁曰浙本去以字

朝為榮華夕而焦瘁

師古曰焦音在消反瘁與悴同福不盈

眦眦溢於世

李奇曰當富貴之間視不滿目故言不盈眦也○蕭該音義曰皆字林曰皆目厓也

才賜反

凶人且以自悔況吉士而是賴庠

師古曰賴利也且功不

可以虛成名不可以偽立韓設辯以微君呂行詐以賈

國

師古曰賈市買也音古

說難既酋其身廼囚秦貨既貴厥宗亦

隧

應劭曰酋音酋豪之酋酋雄也說難韓非書篇名也呂不韋效千金於秦立子楚為王封十萬戶侯以陰

事自殺也師古曰呂不韋初見子楚在趙而云此奇貨可居故班氏謂子楚為秦貨耳安說效千金乎應說失

之矣○蕭該音義曰酋鄭氏是故仲尼抗浮雲之志孟曰酋執也韋昭曰酋終也

軻養浩然之氣

張晏曰孔子云不義而富且貴於我如浮雲孟軻曰我善養吾浩然之氣而無

害則塞乎天地之間也師古曰浩然純壹之氣也彼豈樂為迂濶哉道不可以

貳也

師古曰迂遠也音于方今大漢洒埽羣穢夷險芟荒

師古曰洒音所

蟹反汎也汎音信

廓帝紘恢皇綱基隆於羲農規廣於黃唐其

君天下也炎之如日威之如神函之如海養之如春

師古

曰函容也讀與舍同

是以六合之內莫不同原共流沐浴玄德

師古

曰原水泉之本也流者其未流也

稟印太和枝附葉著

師古曰印讀曰仰著音直略反

譬猶少木之殖山林鳥魚之毓川澤

師古曰殖生也得長也毓與育同

氣者蕃滋失時者苓落

師古曰苓與零同

參天墜而施化豈云

人事之厚薄哉

師古曰墜古地字

今子處皇世而論戰國耀所

聞而疑所覲

師古曰覲見也音徒歷反

欲從旄敦而度高虜泰山懷

沈濫而測深虜重淵亦未至也

應劭曰獮雅前高曰旄丘如覆敦者敦丘側出

曰沆泉正出曰濫泉師古曰敦音丁回反度音徒各反
沆音軌○蕭該音義曰旄爾雅曰前高後下曰旄丘詩
有旄丘篇字林曰前高後下曰旄丘此與爾雅同旄音
毛又亡周反今人呼為務音乖僻多矣沆濫舊作汎檻
韋昭曰水側出曰沆泉音範湧出曰濫泉音檻宋祁
曰未至字下當有後下字注文正出當作上出字 賓

曰若夫鞅斯之倫衰周之凶人既聞命矣敢問上古之
士處身行道輔世成名可述於後者默而已虢主人曰

何為其然也昔咎繇謨虞箕子訪周

師古曰訪亦謀

言通帝王

謀合聖神殷說夢發於傅巖周望北動於渭濱

師古曰說傳說

也解已在前望謂太公望即呂尚也釣於渭水文王將
出獵卜之曰所得非龍非螭非豹非羆乃帝王之輔果

遇呂尚於渭陽與語大悅曰吾齊甯激聲於康衢漢良太公望子久矣故號曰太公望

受書於邳沂

鄭氏曰五達曰康四達曰衢晉灼曰沂崖也下邳水之崖也師古曰齊甯甯戚也聲

激謂叩角所歌也沂音牛斤反○蕭該音義曰康韋昭曰五達為康呼坑反該案事出爾雅該讀康如字未詳

韋氏音沂韋昭作垠曰垠限也謂橋也吾恩反皆俟命而神交匪詞言之所信

師古曰信合韻音新○蕭該音義曰詞字書曰古辭字故能建必然之策展無窮

之勲也近者陸子優繇新語以興

鄭氏曰優繇不仕也師古曰繇讀與由同

董生下帷發藻儒林劉向司籍辯章舊聞揚雄覃思法

言太玄

師古曰覃大也深也

皆及昔君之門闡究先聖之壺奧

應劭

曰宮中門謂之闈宮中巷謂之壺師古曰壺音苦本反

婆娑庠術藝之場休息庠

篇籍之囿以全其質而發其文用納庠聖聽列炳於後

人斯非其亞與

師古曰亞次也與讀曰歟

若迺夷抗行於首陽惠降

志於辱仕

師古曰夷伯夷也惠柳下惠也辱仕謂為士師三黜也

顏耽樂於簞瓢

孔終篇於西狩

師古曰謂作春秋止於獲麟也狩合韻音守○蕭該音義曰簞瓢字書曰簞苟

也一曰小筐丁安反瓢瓢也父么反

聲盈塞於天淵真吾徒之師表也且

吾聞之壹陰壹陽天墜之方

師古曰墜古地字

迺文迺質王道

之綱有同有異聖喆之常故曰慎修所志守爾天符委

命共已味道之腴

師古曰共讀曰恭腴肥也

神之聽之名其舍諸

師古

曰舍廢也諸之言修志委命則明神聽之佑以福祿自然有名永不廢也

賓又不聞酈氏

之璧韞於荆石

師古曰韞亦藏也音於粉反

隋侯之珠藏於蚌

蛤虻

師古曰蚌即蚌字也音平項反蛤音工合反○蕭該音義曰蚌蛤字書蚌蜃屬也步項反蛤燕雀化

所作也秦曰壯螭

歷世莫眡不知其將含景耀吐英精曠千載

而流夜光也應龍潛於潢汙魚鼃媾之

師古曰應龍有翼者潢汙停

水也媾謂侮狎之也潢音黃汙音烏

不覩其能奮靈德合風雲超忽荒而

踳顓蒼也

師古曰踳以足據持也顓蒼天也元氣顓汙故曰顓天其色蒼蒼故曰蒼天踳音戰○蕭

該音義曰踈案字書無足旁踈字猶應是踈字字書踈
踈也已怒反顓字林曰顓白貌也音昊楚辭昊白顓顓

該案爾雅曰春曰蒼天夏曰昊故夫泥蟠而天飛者應
天今作顓者此古書假借用耳

龍之神也先賤而後貴者蘇隋之珍也皆闇而久章者

君子之真也師古曰時闇也若廼牙曠清耳於管絃離婁

眇目於豪分師古曰牙伯牙也曠師曠也逢蒙絕技於

弧矢班輸權巧於斧斤師古曰逢蒙古善射者也班輸

與公輸氏為二人也皆有巧藝也古樂府云誰能為此

器公輸與魯班權專也一曰競也推音角○蕭該音義

曰推巧韋昭曰推猶專也該案音較晉灼曰推見也盡也

良

樂軼能於相馭烏獲抗力於千鈞

師古曰良王良也樂伯樂也軼與逸同相

相馬也馭善馭也烏獲壯士也

蘇鵲發精於鍼石研桑心計於無垠

孟康

曰研古之善計也桑桑宏羊也師古曰和秦醫和也鵲扁鵲也研計研也一號計倪亦曰計然垠厓也○蕭該

音義曰鍼字林曰鍼所以縫也之心反

僕亦不任厠技於彼列故密爾自

娛於斯文

師古曰密靜也安也

前漢書卷一百上

前漢書卷一百上考證

敘傳○

臣召南

按南史蕭琛傳琛為宣城太守有北

僧南渡惟齋一瓠蘆中有漢書序傳僧云三輔舊書
相傳以為班固真本琛固求得之其中多有異今者
而紙墨甚古文字多如龍舉之例非隸非篆琛甚秘
之及為江夏太守以書餉鄱陽王範獻於東宮又劉
之遴傳太子以漢書真本令之遴與張纘到溉陸襄
等參校異同之遴錄其異狀數十事其大畧云案古

本漢書稱永平十六年五月二十一日己酉郎班固
上而今本無上書年月日子又案古本叙傳號為中
篇今本稱為叙傳又今本叙傳載班彪事行而古本
云彪自有傳臣按此說可疑後書固傳固自永平中
始受詔潛精積思二十餘年至建初中始成然則永
平十六年乃初受詔豈容即表上於朝乎又其父彪
以建武中為徐令司徒掾望都長自不合列傳於前
書所謂真本必非實也意者好事之徒所為耶永平

中何由有紙即此足破其妄漢書自初出即已盛行
八表天文志闕曹大家且受詔以完其業然則今本
漢書確足據矣稱叙傳為中篇有何義乎

楚人謂虎班其子以為號注師古曰子文之子鬬班亦
為楚令尹○胡三省曰左傳莊三十年申公鬬班殺
令尹子元而鬬穀於菟為令尹恐班非子文之子

車騎將軍王音聞之以風丞相御史○通鑑考異曰按
放傳丞相宣御史大夫方進奏放過惡音以正月乙

已薨方進以三月丁酉為御史大夫然則風丞相御史者疑非音也

危自上起傷不及下故王氏之貴云云○按後書於此條問答字句稍有增損如危自上起二句後書倒載於王氏擅朝因竊位號之下又方今雄桀帶州城者皆無七國世業之資下後書節詩云皇矣上帝四句又王命論全文後書但載其目而不述其文也

是故劉氏承堯之祚氏族之世著乎春秋注師古曰謂

士會歸晉云云○顧炎武曰左氏昭公二十九年傳
陶唐氏既衰其後有劉累者學擾龍於豢龍氏以事
孔甲如師古注則又其苗裔也

既許爾以告象兮○按文選字句間有異同此許字選
作訊又上聖寤而後拔兮寤字選作迂又發還師以
成性兮性字選作命又弔三正而滅周周字選作姬
又雖移盈然不忒選作雖移易而不忒又皓頤志而
勿營勿營選作勿傾

潛神默記恒以年歲○按文選去此二句又煜雪其間
者選作雪煜又說難既酋酋字選作適又漢良受書
於邳沂沂字選作圻又班輸權巧於斧斤選作摧巧
注摧竭也

前漢書卷一百上考證

欽定四庫全書

前漢書卷一百下

漢 蘭 臺 令 史班 固撰

唐正議大夫行秘書少監琅邪縣開國子顏師古注

敘傳第七十下

固以為唐虞三代詩書所及世有典籍故雖堯舜之盛

必有典謨之篇然後揚名於後世冠德於百王

師古曰德為百

王也故曰巍巍乎其有成功也煥乎其有文章也

師古曰此

篇論語載孔子漢紹堯運以建帝業至於六世史臣乃

美堯舜之言也

追述功德私作本紀師古曰謂武帝時編於百王之末

廁於秦項之列太初以後闕而不錄故探纂前記綴輯

所聞

師古曰纂與撰同輯與集同

以述漢書起于高祖終于孝平王

莽之誅十有二世二百三十年綜其行事旁貫五經上

下洽通

師古曰固所撰諸表序及志經典之義在於是也

為春秋考紀表志傳

凡百篇

師古曰春秋考紀謂帝紀也而俗之學者不詳此文乃云漢書一名春秋考紀蓋失之矣○劉

奉世曰顏說亦非也考成也言以編年之故

其敘曰

師古

而後成紀表志傳非止於紀也語兼於下

曰自皇矣漢祖以下諸叙皆班固自論撰漢書意此亦
依敘史記之叙目耳史遷則云為某事作某本紀某列
傳班固謙不言作而改言述蓋避作者之謂聖而取述
者之謂明也但後之學者不曉此為漢書敘目見有述
字因謂此文追述漢書之事乃呼為漢書述
失之遠矣摯虞尚有此感其餘曷足怪乎

皇矣漢祖纂堯之緒實天生德聰明神武秦人不綱罔

漏于楚

師古曰言秦失綱維故高祖因時而起罔漏于楚謂項羽雖有害虐之心終免於患也一說楚

王陳涉初起後又破滅也

爰茲發迹斷蛇奮旅神母告符朱旗廼舉

粵蹈秦郊嬰來稽首革命創制三章是紀應天順民五

星同晷

師古曰晷景也

項氏畔換黜我已漢

孟康曰畔反也換易也不用義帝要

換易與高祖漢中也師古曰此說非也畔換強恣
之貌猶言跋扈也詩大雅皇矣篇曰無然畔換西土

宅心戰士憤怨

劉德曰宅居也西方人皆居心於高祖猶繫心也書曰惟衆宅心晉灼曰西土

關西也高祖入關約法三章秦民大悅皆宅心高祖乘轡而運席卷三秦割據河

山保此懷民

師古曰保安也懷民懷德之人也

股肱蕭曹社稷是經爪

牙信布腹心良平龔行天罰赫赫明明述高紀第一

孝惠短世高后稱制罔顧天顯呂宗以敗

劉德曰罔無也顧念也顯

明也言呂氏無念天之明道述惠紀第二高后紀第三

太宗穆穆允恭玄默化民以躬帥下以德農不供貢臯

不收孥

張晏曰除民田租之稅是不供貢也

宮不新館陵不崇墓

師古曰墓合韻

音謨我德如風民應如草

師古曰論語稱孔子曰君子之德風小人之德草也故引以為

辭

國富刑清登我漢道

師古曰登成也

述文紀第四

孝景蒞政諸侯方命

孟康曰尚書云方命圮族言鯨之惡壞其族類吳楚七國亦然

克

伐七國王室以定匪急匪荒務在農桑著于甲令民用

寧康

晉灼曰甲令即景紀令甲也

述景紀第五

世宗皤皤思弘祖業

師古曰皤盛貌也

皤咨熙載髦俊並作

師古

曰皤誰也咨謀也熙興也載事也謀於衆賢誰可任用故能興具事業也作起也

厥作伊何百

蠻是攘

師古曰攘卻也

恢我疆宇外博四荒

師古曰恢廣也博大也

武功

既抗亦迪斯文

劉德曰迪進也

憲章六學統壹聖真封禪郊祀

登秩百神

宋祁曰秩當作祭

協律改正饗茲永年

張晏曰改正謂從建寅之

也月述武紀第六

孝昭幼冲冢宰惟忠燕蓋壽張實獻實聰

如淳曰壽音輸應劭曰壽

張詡也

皋人斯得邦家和同述昭紀第七

中宗明明黃用刑名

鄧展曰黃敬也

時舉傳納聽斷惟精

李奇曰時

是也於是時也選用賢者師古曰傳讀曰敷虞書舜典曰敷納以言敷陳也謂有陳言者則納而用之○劉奉

世曰時舉謂柔遠能邇煇耀威靈師古曰虞書舜典曰

善也故引之云煇煇也音充善反龍荒幕朔莫不來庭孟康曰謂白龍

非謂白龍堆也朔北方也師古曰龍匈奴祭天龍城丕顯祖烈尚於有成師古曰

烈業述宣紀第八

孝元翼翼高明柔克

師古曰翼翼敬也尚書洪範云高

執柔乃能成德也敘言

賓禮故老優繇亮直師古曰故

亮廣德也優繇謂寬容也元帝有柔克之姿也外割禁囿內損御服離宮不

衛山陵不邑

張晏曰不徙閹尹之咎穢我明德如淳曰

石顯使為政以病其治也師古曰謂宮人為閹者言其精氣奄閉不泄也一曰主奄閉門者尹正也皆與疵同也○蕭該音義曰韋昭皆作推字云子爾反劉氏云推效也或言極也晉灼曰推見也盡也使為政以病其治也今漢書本或誤作疵字或作皆字

述元紀第九

孝成煌煌臨朝有光威儀之盛如主如璋壺闈恣趙朝

政在王

師古曰趙謂趙皇后及昭儀也王謂外家王鳳王音等

炎炎燎火亦允不

陽

張晏曰天子盛威若燎火之陽今委政王氏不炎熾矣師古曰允信也○宋祁曰邵本如字作燎亦字作

光述成紀第十

孝哀彬彬克摠威神

師古曰彬彬文質備也言哀帝忽孝成之時權在臣下故自摠持其

威神也。檻執取也。其字彫落。洪支底。屋。劉鼎臣服虔曰。彫

從手如淳曰。檻音藍。

退王氏也。底致也。周禮有屋誅誅大臣於屋下不露也。

易曰鼎折足其形渥凶。謂誅朱傳王嘉之屬也。晉灼曰。

屋刑也。師古曰。劉者厚刑謂重誅也。音握。服言屋下。婉

失其義也。○劉奉世曰。洪支謂東平王雲非王氏也。婉

變董公惟亮天功大過之困實撓實凶。應劭曰。以董賢

成天功也。易大過卦棟撓凶。言以小材而為棟梁不堪

其任。至於折撓而凶也。師古曰。婉變美貌。亮助也。尚書

舜典曰。黃亮天功。故引述哀紀第十一。

之也。撓曲也。音女。教反。

孝平不造新都作宰不周不伊喪我四海。師古曰。造。成

也。遭家業不

成。周頌曰。閔予小子遭家不造。故引之也。述平紀第十

言其自號宰衡而無周公伊尹之志也。

二

漢初受命諸侯並政制自項氏十有八姓述異姓諸侯
王表第一

太祖元勲啓立輔臣支庶藩屏侯王並尊述諸侯王表
第二

侯王之祉祚及宗子公族蕃滋支葉碩茂
師古曰茂合韻音莫口反

述王子侯表第三

受命之初贊功剖符奕世弘業爵土廼昭
師古曰贊功佐命之功也

奕大也 述高惠高后孝文功臣侯表第四

景征吳楚武興師旅後昆承平亦有紹土

師古曰言景武之時以軍

功故封侯者多昭宣以後雖承平尚有以勲獲爵土者也○宋祁曰監本浙本越本作亦猶有紹

述景

武昭宣元成哀功臣侯表第五

亡德不報爰存二代

代應劭曰二代二王後也師古曰二代謂殷周也言德澤深遠故至漢

朝其子孫又受茅土以奉祭祀

宰相外戚昭韞見戒

張晏曰韞是也明其是者戒其非也

韞昭曰昭明也韞是也

述外戚恩澤侯表第六

漢廸于秦有革有因

劉德曰廸至也

擗舉僚職並列其人

晉灼

音麗猶之猶師古曰猶音才戶反謂大略也

述百官公卿表第七

篇章博舉通于上下略差名號九品之叙述古今人表

第八

元元本本數始於一

張晏曰數之元本起於初九之一也

產氣黃鍾造計

秒忽

劉德曰秒禾芒也忽蜘蛛網也

八音七始五聲六

律

劉德曰七始天地四方人之始也師古曰解在禮樂志

度量權衡歷算追出

師古

曰追古攸字也攸所也

官失學微六家分乖

劉德曰六家謂黃帝顓頊夏殷周魯歷也

壹彼壹此庶研其幾述律歷志第一

上天下澤春雷奮作

劉德曰兌下乾上履坤下震上豫履禮也豫樂也取易象制禮作樂

師古曰易象曰上天下澤履雷出地奮豫故具引其文

先王觀象爰制禮樂厥後

崩壞鄭衛荒淫風流民化酒酒紛紛

師古曰言上風既流下人則化也酒

亂也酒音莫踐反

略存大綱以統舊文述禮樂志第二

雷電皆至天威震耀五刑之作是則是效

劉德曰震下離上噬嗑利

用獄雷電取象天威也師古曰易象辭曰雷電噬嗑先王以明罰敕法故引之

威實輔德刑亦

助教季世不詳背本爭末

師古曰不詳謂不盡用刑之理也周書呂刑曰告爾詳刑

吳孫狙詐申商酷烈

師古曰狙音干豫反

漢章九法太宗改作

張晏

曰改除肉刑也輕重之差世有定籍述刑法志第三

厥初生民食貨惟先割制廬井定爾土田什一供貢下
富上尊商以足用茂遷有無貨自龜貝至此五銖揚摧

古今監世盈虛

師古曰揚舉也摧引也揚摧者舉而引之陳其趣也摧音居學反

述食

貨志第四

昔在上聖昭事百神類帝裡宗望秩山川明德惟馨永

世豐年季末淫祀營信巫史

鄧展曰營惑也

大夫臚岱侯伯僭

時

鄭氏曰臚岱季氏旅於太山是也應劭曰僭時秦文公造西時祭天是也師古曰旅陳也臚亦陳也臚旅

聲相近其義一耳

放誕之徒緣間而起

師古曰謂方士言神仙之術也瞻前顧

後正其終始述郊祀志第五

炫炫上天縣象著明

師古曰炫炫光耀之貌音胡眇反縣古懸字

日月周輝

星辰垂精百官立法宮室混成

張晏曰星辰有宮室百官各應其象以見咎徵

也降應王政景以燭形

張晏曰王政失於此星辰變於彼猶景之象形

三季之

後厥事放紛

師古曰三季三代之末也放失也紛亂也

舉其占應覽故考新

述天文志第六

河圖命庖洛書賜禹八卦成列九疇道敘

李奇曰河圖即八卦也洛

書即洪範九疇也師古曰庖庖犧三代寔寶光演文武也
道古攸字○宋祁曰庖當作宓

春秋之占咎徵是舉告往知來王事之表述五行志第

七

坤作墜執高下九則

張晏曰易曰地執坤劉德曰九則九州土田上中下九等也師古曰

墜古地字易象曰地執坤君子以厚德載物高下謂地形也一曰地之肥瘠

自昔黃唐經略

萬國燹定東西疆理南北

師古曰燹和也疆理謂立封疆而統理之

三代損

益降及秦漢革剡五等制立郡縣

晉灼曰剡音剡削之剡師古曰音初限反

服虔曰剡音剪韋昭曰剡音鏹剡削也

略表山川彰其剖判述地理志第

八

夏乘四載百川是導

師古曰四載解在溝洫志

惟河為難災及後代

商竭周移秦決南涯

服虔曰河竭而商亡移亦河移徙也如淳曰秦始皇本紀決河灌大

梁遂滅之通為溝入淮泗

自茲距漢北亡八支

服虔曰本有九河今塞餘有一也

文

墜棗野武作瓠歌

服虔曰墜音因文帝塞河於酸棗也張晏曰河決瓠子武帝親臨悼功不

成而作歌

成有平年後遂滂沱

劉德曰成帝治河已平改元曰河平元年韋昭曰成帝時

河復決王延八世塞之河水平因改年曰河平

爰及溝渠利我國家述溝洫志

第九

虞義畫卦書契後作

師古曰虞讀與伏同

虞夏商周孔纂其業纂

書刪詩綴禮正樂

師古曰纂與撰同

彖系大易因史立法

師古曰謂

修春秋定帝王之文

六學既登遭世罔弘

師古曰罔無也無能弘大正道也

羣言

紛亂諸子相騰

師古曰騰馳也

秦人是滅漢修其缺劉向司籍

九流以別

應劭曰儒道陰陽法名墨從橫雜農凡九家

爰著目錄略序洪烈

師古曰洪大也烈業也

述藝文志第十

上慢下暴惟盜是伐

師古曰易上繫辭云小人而乘君子之器盜斯奪之矣上慢下暴盜

斯伐之矣引此言者謂秦胡亥之時

勝廣燹起梁籍扇烈

師古曰飛火曰燹扇熾也烈猛

也言陳勝初起而項羽
烈盛也燥音必遙反

赫赫炎炎遂焚咸陽宰割諸夏

命立侯王誅嬰放懷詐虐以亡述陳勝項籍傳第一

張陳之交游如父子攜手遂秦拊翼俱起

應劭曰遂逃也師古曰遂

古遜字也拊翼以鷄為喻言知將旦則鼓擊其翼而鳴也

據國爭權還為豺虎

師古曰言

反相吞噬也

耳謀甘公作漢藩輔述張耳陳餘傳第二

三桮之起本根既朽

劉德曰詩云包有三桮爾雅曰烈桮餘也謂木斫髡而復桮生也喻

魏齊韓皆滅而復起若髡木更生也師古曰桮音五葛反

枯楊生華曷惟其舊

應劭曰易

云枯楊生華暫貴之意也曷惟其舊言不能久也師古曰枯楊生華大過卦九五爻辭也舊合韻音白

橫

雖雄材伏于海隅沐浴尸鄉北面奉首旅人慕殉義過

黃鳥

劉德曰黃鳥之詩刺秦穆公要人從死言今橫不要而有從者故曰過之

述魏豹田儼

韓信傳第三

信惟餓隸布實黥徒越亦狗盜芮尹江湖

張晏曰吳芮為番陽令在

江湖之間尹主也

雲起龍襄化為侯王

師古曰襄舉也

割有齊楚跨制

淮梁

張晏曰韓信前王齊徙楚英布王淮南彭越王梁也

綰自同閉鎮我北疆

應劭

曰閉音扞廬綰與高祖同里楚名里門為閉師古曰左氏傳云高其閉閑舊通語耳非專楚也

德薄位

尊非昨惟殃吳克忠信胤嗣廼長述韓彭英盧吳傳第

四

賈塵從旅為鎮淮楚

張晏曰劉賈晚乃從軍也晉灼曰塵無幾也師古曰二說皆非也塵

古以為勤字言賈從軍有勤勞也

澤王琅邪權激諸呂潁之受吳疆土

踰矩

師古曰矩法制也

雖戒東南終用齊斧

張晏曰齊斧越斧也以整齊天下也

晉灼曰雖戒勿反而反竟用此斧於吳也師古曰易云喪其齊斧故引以為辭

述荆燕吳傳第

五

太上四子伯兮早天仲氏王代惇宅于楚

師古曰詩衛風云伯兮竭

兮鄆風又曰仲氏任只此序方論高祖兄伯及仲故引二句為之辭也

戊實淫缺平陸廼

紹師古曰楚王戊為薄太后服姦削東海郡遂與吳共
反而誅文帝更立平陸侯禮續元王之後也○宋祁

曰注文浙本改其在京奕世宗正師古曰正劬勞王
文帝作景帝合韻音征

室用侯陽成子政博學三世成名師古曰謂劉德劉向劉歆俱有名聞述

楚元王傳第六

季氏之詘辱身毀節信于上將議臣震栗張晏曰申意於上將上將

樊噲也欲以十萬衆橫行匈奴中布曰噲可斬也時議臣皆恐師古曰信讀曰申樂公哭梁田

叔殉趙見危授命誼動明主布歷燕齊叔亦相魯民思

其政或金或社李奇曰魯人愛田叔死送之以金齊貴樂布為生立社述李布樂

布田叔傳第七

高祖八子二帝六王三趙不辜淮厲自亡燕靈絕嗣齊

悼特昌掩有東土自岱徂海支庶分王前後九子六國

誅斃適齊亡祀城陽濟北後承我國

張晏曰濟北王志吳楚反後徙王菑

川元朔中齊國絕悼惠王後唯有城陽菑川武帝乃割臨菑環悼惠王冢以與菑川令奉祀也師古曰適讀曰

嫡

趙趙景王匡漢社稷

師古曰趙趙武貌音糾

述高五王傳第八

猗與元勲包漢舉信

劉德曰包取也師古曰包漢謂勸高祖且王漢中也舉信舉韓信也

信合韻

鎮守關中足食成軍營都立宮定制修文平陽

玄默繼而弗革

師古曰革改也言曹參為相守靜無為一遵蕭何約束不變改也

民用

作歌化我淳德漢之宗臣是謂相國述蕭何曹參傳第

九

留侯襲秦作漢腹心

劉德曰襲秦推始皇於博浪沙中

圖折武關解阨

鴻門

師古曰圖折武關謂從沛公入武關說令為疑兵又啗秦將以利勸因其怠懈擊之類也

推齊

銷印毆致越信

師古曰毆與驅同越彭越也信亦韓信也謂於垓下圍項羽時也信合韻音新

招賓四老惟寧嗣君陳公擾攘歸漢廼安

師古曰攘音人養反

范亡項走狄擒韓

師古曰走狄謂解平城之圍也禽韓偽遊雲夢也

六奇既設

我罔艱難

師古曰罔無也

安國廷爭致仕杜門絳侯矯矯誅呂

尊文亞夫守節吳楚有勲述張陳王周傳第十

舞陽鼓刀滕公廐騶

師古曰鼓刀謂屠狗也

潁陰商販曲周庸夫

攀龍附鳳並乘天衢

師古曰乘登也

述樊鄴滕灌傳靳周傳第

十一

北平志古司秦柱下

師古曰志記也謂多記古事也司主也

定漢章程律

度之緒建平質直犯上千色

師古曰周昌先封建成侯蓋謂此也平字當為成傳

寫誤

廣阿之廩食厥舊德

張晏曰任教也吏遇呂后不謹教擊傷主吏也師古曰廩

亦勤字也易訟卦六三爻辭曰食舊德食猶饗也

故安執節責通請錯蹇蹇帝

臣匪躬之故

師古曰易蹇卦六二爻辭曰王臣蹇蹇匪躬之故此言申屠嘉召責鄧通請誅晁錯

皆不為已身實有蹇蹇之節也

述張周趙任申屠傳第十二

食其監門長揖漢王畫襲陳留進收教倉塞臨杜津王

基以張

師古曰杜亦塞也謂說令塞白馬津

賈作行人百越來賓從容風

議博我以文

李奇曰作新語也師古曰論語稱顏回喟然歎曰夫子博我以文謂以文章開博我

也此言陸賈嘗之越也從音干容反風讀曰諷

敬繇役夫遷京定都

師古曰繇讀與由同

言劉敬由戌卒而來納說

內強關中外和匈奴叔孫奉常與時抑揚

稅介免胄禮儀是創

師古曰稅舍也介甲也創始造之也創合韻音初良反

或慙

或謀觀國之光

師古曰詩小雅小旻之篇曰或慙或謀言有智者有謀者易觀卦六四爻辭曰

觀國之光利用賓于王故合而為言述鄺陸朱婁叔孫傳第十三

師古曰本傳作

朱劉終書其賜姓也此言朱婁本其舊族耳

淮南僭狂二子受殃安辯而邪賜頑以荒敢行稱亂窘

世薦亡

師古曰窘仍也薦讀曰荐荐再也長遷死雍其子安又自殺也

述淮南衡山濟

北傳第十四

蒯通壹說三雄是敗覆鄺驕韓田橫顛沛被之拘繫廼

成患害

師古曰言伍被初不從王反王繫其父母乃進邪謀終以遇害也

充躬罔極交

亂弘大

師古曰小雅青蠅之詩云讒言罔極交亂四國此敘言江充息夫躬之惡引以為辭也

述

蒯伍江息夫傳第十五

萬石溫溫幼寤聖君

鄧展曰爾雅寤逢遇也師古曰此說非也言萬石幼而恭謹感寤高

祖以見識拔也爾雅云還遇也非謂寤也詩小雅小宛之篇曰溫溫恭人宜爾子孫天天仲

伸

師古曰詩周南螽斯之篇曰宜爾子孫振振兮論語稱孔子燕居仲仲如也天大如也謂和舒之貌此言

萬石子孫既多又皆和睦故引以為辭也天音於驕反慶社于齊不言動民

鄧展曰慶

為齊相齊為立社也衛直周張淑慎其身

師古曰衛詩燕燕之篇曰終溫且惠淑慎其身

淑善也引此詩言以美四人也

述萬石衛直周張傳第十六

孝文三王代孝二梁

師古曰代孝王參及梁孝王武梁懷王揖

懷折亡嗣孝

乃尊光

師古曰折謂夭也孝亦謂梁孝王也

內為母弟外扞吳楚怙寵矜

功僭欲失所思心既霧牛旤告妖

師古曰霧僭霧也音莫候反解在五行志

帝庸親親厥國五分

師古曰庸用也用親親之道故分梁為五國立孝王男五人為王太

子買為梁王次子明為濟川王彭離為濟東王定為山陽王不識為濟陰王

德不堪寵四支

不傳

晉灼曰子父母之四支也師古曰此說非也謂孝王支子四人封為王者皆絕於身不傳胤嗣唯梁

恭王買有後耳其事具在本傳

述文三王傳第十七

賈生矯矯弱冠登朝

師古曰矯矯高舉之貌也合韻音驕

遭文獻聖屢抗

其疏暴秦之戒三代是據建設藩屏以強守圉

師古曰圉合韻

音御吳楚合從賴誼之慮

師古曰勸文帝大封梁淮陽梁卒距吳楚不得令西也從音子

庸反述賈誼傳第十八

子絲慷慨激辭納說

師古曰爰盎字絲此加子者子是嘉稱以偶句耳

檻轡正

席顯陳成敗

師古曰檻執取也其字從手亦或作擎

錯之瑣材智小謀大

師古曰易下繫辭曰德薄而位尊智小而謀大

機先寇後害

師古曰發機言其速也吳楚未敗之前錯已誅死

述爰盎鼂錯傳

第十九

釋之典刑國憲以平馮公矯魏增主之明

張晏曰矯辭以免魏尚也

師古曰張說非也矯正也正言其事

長孺剛直義形于色下折淮南上正

元服

師古曰淮南王謀反憚黜正直武帝不冠不見黜故云下折淮南上正元服也元首也故謂冠為元

服

莊之推賢於茲為德述張馮汲鄭傳第二十

榮如辱如有機有樞

劉德曰易曰樞機之發榮辱之主也張晏曰乍榮乍辱如辭也

自

下摩上惟德之隅

師古曰詩大雅抑之篇曰抑抑威儀惟德之隅言有廉隅也此敘言賈山

直詞刺上亦為方正也

曰隅謂得道德之一隅也

賴依忠正君子采諸

述賈鄒枚路傳第二十一

魏其翩翩好節慕聲

師古曰翩翩自喜之貌

灌夫矜勇武安驕盈

凶德相挺既敗用成

師古曰挺謂柔挺也音式延反○

南子曰陶人之尅

陽挺其化宋忠曰挺和方言曰挺取也聲類曰挺一與陰

柔也老子曰安國壯趾王恢兵首

孟康曰易壯于趾

挺植以為器安國壯趾王恢兵首

凶安國臨當為丞相

直謂言不宜征行也

彼若天命此近人咎

師古曰彼韓安

謀兵人咎也

述竇田灌韓傳第二十二

景十三王承文之慶

師古曰言景帝庸主耳所以子皆得王者由文帝之德慶流子孫也

慶合韻音卿

魯恭館室江都諄輕

師古曰諄謂輕狡也音初教反○蕭該音義曰蕪林

曰諄音少年輕薄毀鈔息憲之鈔如淳音燕

趙敬險詖中山淫醬

師古曰詖辯也一曰

佞也醬酤酒也音詠合韻音榮

長沙寂漠廣川亡聲膠東不亮常山驕

盈

如淳曰亮信也聞淮南謀反作戰具守備後辭及之發病死是為不信於漢朝

四國絕祀河

間賢明

李奇曰臨江哀王闕臨江閔王榮膠西于王端清河哀王乘皆無子國除

禮樂是修

為漢宗英述景十三王傳第二十三

李廣恂恂實獲士心控弦貫石威動北隣

師古曰北隣謂匈奴也

躬戰七十遂死于軍敢怨衛青見討去病陵不引決忝

世滅姓

師古曰忝辱也

蘇武信節不詘王命

師古曰信讀曰申

述李廣

蘇建傳第二十四

長平桓桓上將之元

師古曰桓貌也元首也

薄伐獫狁恢我朔

邊

師古曰恢廣也

戎車七征衝輶閑閑

鄧展曰輶兵車名也師古曰輶音彭

合圍

單于北登闐顏票騎冠軍焱勇紛紜

師古曰焱勇紛紜然盛也長

驅六舉電擊雷震

師古曰六舉凡六出擊匈奴也震合韻音之人反

飲馬翰海

封狼居山西規大河列郡祁連

張晏曰置郡至祁連山

述衛青霍

去病傳第二十五

抑抑仲舒再相諸侯

師古曰爾雅云抑抑密也

身修國治致仕縣車

下帷覃思論道屬書

師古曰屬音之欲反

讜言訪對為世純儒

師古

曰讜善言也訪對謂對所訪也讜音黨

述董仲舒傳第二十六

文豔用寡子虛烏有寓言淫麗託風終始

師古曰寓寄也風讀曰諷

多識博物有可觀采蔚為辭宗賦頌之首

師古曰蔚文采盛也音鬱

述司馬相如傳第二十七

平津斤斤晚躋金門

師古曰斤斤明察也躋升也金門金馬門也

既登爵位

祿賜頤賢

師古曰頤養也謂引招賢人而養之○宋祁曰注末當有也字

布衾疎食用

儉飭身

師古曰飭謹也讀與救同

卜式耕牧以求其志忠寤明君廼

爵廼試兒生疊疊束髮修學

師古曰疊疊勉也

偕列名臣從政

輔治述公孫弘卜式兒寬傳第二十八

張湯遂達用事任職媚茲一人日旰忘食

師古曰詩大雅下武之篇

曰媚茲一人應侯慎德一人天子也媚愛也此敘言張湯見愛於武帝

既成寵祿亦罹咎

憲安世溫良塞淵其德

師古曰詩鄴風燕燕之篇曰仲氏任只其心塞淵淵深也塞實

也謂其德既實且深也此敘言子孺亦有之

子孫遵業全祚保國述張湯傳

第二十九

杜周治文唯上淺深

師古曰言觀天子之意

用取世資幸而免身

延年寬和列于名臣欽用材謀有異厥倫

師古曰倫類也言異其本

類述杜周傳第三十

博望杖節收功大夏貳師秉鉞身釁胡社

李奇曰李廣利胡殺之以

血塗社也師古曰釁者以血祭耳非塗之血也

致死為福每生作旤

師古曰每貪也張騫

致死封侯李廣利求生而死也

述張騫李廣利傳第三十一

嗚呼史遷薰胥以刑

晉灼曰齊韓魯詩作薰薰師也從人得罪相坐之刑也師古曰晉說

近是矣詩小雅雨無正之篇曰若此無罪淪胥以鋪胥相也鋪徧也言無罪之人遇於亂政橫相牽率徧得罪也韓詩淪字作薰薰者謂相薰蒸亦漸及之義耳此敘言史遷因坐李陵橫得罪也○蕭該音義曰韋昭曰腐刑必薰之胥幽而發憤廼思廼精錯綜羣言古今是經勒餘殘曰胥

成一家大略孔明

師古曰孔甚也

述司馬遷傳第三十二

孝武六子昭齊亡嗣

如淳曰昭帝及齊王無嗣也師古曰嗣合韻音祚

燕刺謀

逆廣陵祝詛昌邑短命昏賀失據戾園不幸宣承天序

師古曰序合韻音似豫反

述武五子傳第三十三

六世眈眈其欲汲汲

師古曰六者謂武帝也易頤卦六四爻辭曰虎視眈眈其欲汲汲眈

眈威視之貌也。洩洩欲利之貌也。眈音丁含反。洩音滌。今易洩字作逐。○蕭該音義曰：眈，蘓林音譚，晉灼音義及今漢書本作悠。悠應劭曰：易曰虎視眈眈，字林曰眈視近而忘遠也。音大含反。應劭曰：眈近也。悠遠也。言武帝內興文學，外耀神武，眈眈悠悠而盛也。余謂眈當音當含反。文武方作是庸，四克。

晉灼

曰方並也。師古曰：言並任文。助偃淮南數子之德，不忠武之臣是用克開四方也。

其身善謀於國

師古曰：淮南謂淮南王安諫武帝不宜興兵討越也。

述嚴朱吾丘

主父徐嚴終王賈傳第三十四

東方瞻辭談諧倡優

師古曰：談音恢。

譏苑扞偃正諫舉郵

師古曰：郵

與尤同尤過也

懷肉汙殿弛張沈浮述東方朔傳第三十五

葛繹內寵屈釐王子

師古曰公孫賀妻衛皇后姊故云內寵也

千秋時發宜

春舊仕

張晏曰千秋訟衛太子寃發言值時也師古曰宜春侯王訢也

敞義依霍庶幾

云已

如淳曰若此人等無益於治可為庶幾而已也師古曰敞楊敞義蔡義

弘惟政事萬

年容已咸睡厥誨孰為不子述公孫劉田楊王蔡陳鄭

傳第三十六

王孫羸葬建廼斬將雲廷訐禹福逾刺鳳

師古曰逾遠也

是謂

狂狷敞近其衷

師古曰衷中也論語稱孔子曰不得中行而與之必也狂狷乎此言朱雲以上

蓋狂狷耳云敞之操近於中行也東晉竹仲反

述楊胡朱梅云傳第三十七

博陸堂堂受遺武皇

師古曰論語稱曾子曰堂堂乎張也蓋美子張儀形盛也故引之

擁毓孝昭末命導揚

劉德曰武帝臨終之命霍光能導達顯揚也

遭家不造

立帝廢王權定社稷配忠阿衡懷祿耽寵漸化不詳陰

妻之逆至子而亡

師古曰陰謂覆蔽之也

秬侯狄孥虔恭忠信

師古

曰匈奴休屠王之子故曰狄孥秬音妬信合韻音新

奕世載德貶于子孫

師古曰貶延也

音弋述霍光金日磾傳第三十八

兵家之策惟在不戰營平皤皤立功立論

師古曰皤皤白髮貌也音

蒲何以不濟可上諭其信

師古曰春秋左氏傳晏子對齊景公曰君所謂可而有不

馬臣獻其不以成其可此敘言宣帝令

武賢父子虎臣

之後述趙充國辛慶忌傳第三十九

義陽樓蘭長羅昆彌安遠日逐義成邛支陳湯誕節救

在三愆

師古曰三愆謂劉向谷永耿育皆訟救湯也師古曰誕節言其放縱不拘也

會宗勤

事疆外之桀述傳常鄭甘陳段傳第四十

不疑膚敏應變當理

劉德曰膚美也敏疾也言於闐下卒變定方遂詐非衛太子也師古

曰詩大雅文王之篇曰殷士膚敏謂微子也故引以為辭

辭霍不婚浚遁致仕師古曰遁

讀與疏克有終散金娛老定國之祚于其仁考廣德當

巡同

宣近於知恥

晉灼曰當宣帝時始仕至元帝時以歲惡民流便乞骸骨去此為知恥師古曰此說

非也當為平當也宣彭宣也言廣德平當彭宣三人不苟於祿位並為知恥也本傳贊曰薛廣德保懸車之榮平當逡巡有恥彭宣見險而止異乎苟患失之者矣述雋疏于薛平彭傳第四十

一

四皓遜秦古之逸民不營不拔嚴平鄭真

應劭曰爵祿不能營其志

戚武不能屈其身也易曰不可榮以祿又曰確乎不可拔也○宋祁曰營當作榮

吉困于賀涅

而不緇禹既黃髮以德來仕

師古曰論語稱孔子曰不白乎涅而不緇涅汙泥

也可以染皂緇黑色也言天性潔白者雖處汙涅之中其色不變也緇合韻音側仕反

舍惟正身

勝死善道郭欽將謂近遜之好

應劭曰易曰好遁君子吉言遭暴亂之世好以

和順遜去不離其害也

述王貢兩龔鮑傳第四十二

扶陽濟濟聞詩聞禮玄成退讓仍世作相

師古曰漢之仍頻也

宗廟叔孫是謨革自孝元諸儒變度

如淳曰造迭毀之議也師古曰謨謀

也合韻音慕

國之誕章博載其路

師古曰誕大也謂憲章之大者故廣載之

述章

賢傳第四十三

高平師師惟辟作威圖黜凶害天子是毗

鄧展曰師師相師法也師

古曰尚書洪範云惟辟作威言威權者唯人君得作之耳詩小雅節南山之篇曰尹氏太師惟周之氏秉國之

鈞四方是維天子是毗言大臣之職輔佐天子者也此敘言魏相欲崇君道而黜私權故引書詩以為言也

博陽不伐含弘光大天誘其衷慶流苗裔述魏相丙吉

傳第四十四

占往知來幽贊神明

師古曰易上繫辭曰神以知來知以藏往言著卦之德無神知也說

卦曰昔者聖人之作易也幽贊於神明而生蓍言欲深致神明之道助以成教故為蓍卜也

苟非其

人道不虛行

師古曰下繫之辭也言人能弘道非其人則不能傳

學微術昧或見

仿佛疑殆匪闕違衆迂世

師古曰論語稱孔子曰多聞闕疑慎言其餘則寡尤多見

闕殆慎行其餘則寡悔殆危也謂有疑則闕之也此敘言術士不闕疑殆故遭禍難也

淺為尤悔

深作敦害

師古曰尤過也敦厚也

述睦兩夏侯京翼李傳第四十

五

廣漢尹京克聰克明延壽作翊既和且平矜能訏上俱

陷極刑翁歸承風帝揚厥聲

張晏曰受任為右扶風卒宣帝下詔褒揚賜金百斤

敞亦平平文雅自贊

師古曰平讀曰便便辯也贊助也以文雅助治術也一說贊進也以

文雅自進也

尊實赴赴邦家之彥

師古曰赴赴材勁貌也音糾

章死非臯

士民所歎述趙尹韓張兩王傳第四十六

寬饒正色國之司直豐繁好剛輔亦慕直

師古曰繁是也音烏奚反

皆陷狂狷不典不式

師古曰典經也式法也

崇執言責隆持官守

如淳曰崇為尚書僕射是言責之官也哀帝及傅太后欲封從弟商崇諫不聽也晉灼曰隆諫武庫兵不宜以給董賢家此為持官守也寶曲定陵並有立志

鄧展曰孫寶曲撓定陵侯淳于長也晉灼

曰何並斬侍中王林卿奴是立志也述蓋諸葛劉鄭毋將孫何傳第四十

七

師古曰本傳毋將隆在孫寶下今此敘云毋將孫何是敘誤也

長倩悞悞覲霍不舉

蘇林曰悞悞行步安舒也師古曰不肯露索而見霍先故不得大官

也悞音反遇宣廼拔傳元作輔不圖不慮見躓石許

師古曰詩

小雅雨無正之篇云旻天疾威不慮不圖也慮思也圖謀也言幽王見天之威不思謀也此敘言望之思謀不

詳卒為石顯及許史所顯躓也躓音竹二反○宋祁曰見字當作顯

述蕭望之傳第四十

八

子明光光發迹西疆列於禦侮厥子亦良述馮奉世傳

第四十九

宣之四子淮陽聰敏

師古曰敏疾也合韻音美

舅氏遽除幾陷大理

師古曰遽除口柔觀人顏色而為辭佞者也言淮陽憲王舅張博為諂辭幾陷王於大罪也遽音渠除音除幾

音鉅依反

楚孝惡疾東平失軌

師古曰惡疾謂青病也軌法則也

中山凶短

母歸戎里

張晏曰戎氏女歸戎氏之里也

元之二王孫後大宗

孟康曰謂哀帝

平昭而不穆大命更登鄧展曰昭而不穆有父無子張晏曰大命帝位也師古曰更音

工衡反述宣元六王傳第五十

樂安襲襲古之文學師古曰襲襲盛貌也音弋救反學合韻音下教反民具爾

瞻困于二司師古曰詩小雅節南山之篇曰赫赫師尹民具爾瞻言師尹之任位尊職重下所瞻

望而乃為不善乎深責之也此敘言匡衡失德不終相

位故引以為辭耳二司者司隸校尉王尊劾奏衡追奏

石顯揚著先帝任用傾覆之臣司隸校尉王駿劾奏衡專地盜土也司合韻音先寺反安昌貨殖

朱雲作棋晉灼曰棋醜也師古曰朱雲廷言欲斬張禹是為醜惡之棋棋音歌合韻音丘吏反博

山敦慎受莽之疾師古曰疾病也孔先後更曲意從莽之欲以病其德行也述匡張

孔馬傳第五十一

樂昌篤實不撓不詘遘閔既多是用廢黜

師古曰詩邠栢舟曰遘閔

既多受侮不少遘遇也閔病也謂見病害甚衆也此敎言王商深為王鳳所排陷也

武陽殷勤輔

導副君既忠且謀饗茲舊勲高武守正因用濟身

師古曰言

傳喜不阿附傳太后故得免禍

述王商史丹傳喜傳第五十二

高陽文法揚鄉武略政事之材道德惟薄位過厥任鮮

終其祿

師古曰鮮少也音先典反

博之翰音鼓妖先作

劉德曰易曰翰音登于天

貞凶上九處非其位亢極故何可長也位在上高故曰翰音博拜時聞有鼓聲也師古曰翰音登于天中孚卦

上九爻辭也翰音高飛而自鳴喻居非其位聲過其實也述薛宣朱博傳第五十三

高陵修儒任刑養威用合時宜器周世資義得其勇如虎如貔進不跬步宗為鯨鯢

師古曰半步曰跬音空樂反

述翟方進

傳第五十四

統徵政缺災眚屢發永陳厥咎戒在三七鄴指丁傳略
窺占術述谷永杜鄴傳第五十五

哀平之卹丁傳莽賢武嘉戚之乃喪厥身高樂廢黜咸
列貞臣述何武王嘉師丹傳第五十六

淵哉若人實好斯文初擬相如獻賦黃門輟而覃思草

法纂玄

師古曰輟止也纂與撰同言止不復作賦草創法言及撰太玄經也

斟酌六經放

易象論

師古曰放音甫往反論論語也

潛于篇籍以章厥身

師古曰述章明也

揚雄傳第五十七

獷獷亡秦滅我聖文

師古曰獷獷麤惡之貌言無親也獷音穢又音九永反

漢存

其業六學析分是綜是理是綱是紀師徒彌散著其終

始

師古曰散謂分派也

述儒林傳第五十八

誰毀誰譽譽其有試

師古曰論語稱孔子曰吾之於人誰毀誰譽如有所譽其有所試此

敘言人之從政可試而知故引以為辭也

泯泯羣黎化成良吏

師古曰黎衆也言羣衆無

知從吏之化而成俗也

淑人君子時同功異沒世遺愛民有餘思

述循吏傳第五十九

上替下陵姦軌不勝猛政橫作刑罰用興曾是強國

克為雄

師古曰詩大雅蕩之篇曰曾是強國曾是掎克強圉強梁禦善也掎克好聚斂克害人也言任

用此人為虐於下也掎音平侯反

報虐以威殃亦凶終

師古曰尚書呂刑曰皇帝哀矜

庶戮之不辜報虐以威言哀矜不辜之人橫被殺戮乃報答為虐者以威而誅絕也

述酷吏傳第

六十

四民食力罔有魚業大不淫侈細不匱乏蓋均無貧遵

王之法

師古曰論語稱孔子曰蓋均無貧言為政平均不相陵奪則無匱乏之人也故引之

靡法

靡度民肆其詐

師古曰肆極也

徧上并下荒殖其貨

師古曰荒大也侯

服玉食敗俗傷化

張晏曰玉食珍食也

述貨殖傳第六十一

開國承家有法有制家不臧甲國不專殺

師古曰殺合韻音所例反

矧乃齊民作威作惠

師古曰矧況也齊民齊等之人也

如台不匡禮法

是謂

如淳曰台我也我國家也師古曰匡正也台音怡

述游俠傳第六十二

彼何人斯竊此富貴營損高明作戒後世

師古曰詩小雅巧言之篇

刺讒人也其詩曰彼何人斯居河之麋賤而惡之也
此敘亦深疾佞幸之人故引詩文以譏之營惑也 述

佞幸傳第六十三

於惟帝典戎夷猾夏

師古曰於歟辭也帝典虞書舜典也載舜命咎繇作士戒之曰蠻夷

猾夏猾亂也夏諸夏也於讀曰烏

周宣攘之亦列風雅

師古曰攘卻也宗幽既

昏淫于裒女

師古曰宗幽幽王居宗周也

戎敗我驪遂亡酆鄩

張晏曰申

侯與戎共伐周敗於驪山下遂殺幽王平王東徙都成周

大漢初定匈奴強盛圍我

平城寇侵邊境

師古曰境合韻音竟

至于孝武爰赫斯怒王師雷

起霆擊朔野

師古曰霆疾雷也音廷

宣承其末廼施洪德震我威

靈五世來服

師古曰自宣至平凡五帝

王莽竊命是傾是覆備其變

理為世典式述匈奴傳第六十四

西南外夷種別域殊南越尉佗自王番禺攸攸外寓閩

越東甌

師古曰攸攸遠貌

爰泊朝鮮燕之外區漢興柔遠與爾

剖符

師古曰柔安也剖符謂封之也

皆恃其岨乍臣乍驕孝武行師誅

滅海隅述西南夷兩越朝鮮傳第六十五

西戎即序夏后是表

張晏曰表外也禹就敘以為外國也師古曰此說非也表明也明以

德化也

周穆觀兵荒服不旅

張晏曰觀示也旅陳也犬戎終王而朝周穆王以不享征

之是以荒服
不陳於廷也
漢武勞神圖遠甚勤王師驛驛致誅大宛

鄭氏曰驛驛盛也師古曰此說非也小雅四牡之詩曰
四牡騤騤驛驛驛驛喘息之貌馬勞則喘此敘言

漢遠征西域人馬疲
弊也驛音它丹反
娒娒公主廼女烏孫孟康曰娒音

愛也師古曰此說非也娒音上支反娒娒好貌也魏詩
葛屨之篇曰好人提提音義同耳女妻也音乃據反言

漢以好女
配烏孫也
使命廼通條支之瀕師古曰瀕涯也
昭宣承

業都護是立總督城郭三十有六修奉朝貢各以其職

述西域傳第六十六

詭矣禍福刑于外戚
師古曰詭違也言禍
福相違終始不一也
高后首命呂

宗顛覆薄姬碓魏宗文產德

如淳曰薄姬在魏許負相當生天子魏豹聞負言不

與漢遂禽而死也師古曰碓古墜字

實后違意考盤于代

師古曰詩衛風曰考盤在澗考

成也盤樂也此敘言實姬初欲適趙而向代違其本意卒以成樂也

王氏仄微世武作嗣

子夫既興扇而不終

師古曰扇職也

鈎弋憂傷孝昭以登上官

幼尊類禡厥宗

應劭曰詩云是類是禡禮將征伐告天而祭謂之類告以事類也至所征伐之

地表而祭之謂之禡禡者馬也馬者兵之首故祭其先神也言上官后雖幼尊貴家族以惡逆誅滅也師古曰

禡音莫暇反

史娣王悼身遇不祥及宣饗國二族後光恭哀

產元天而不遂叩成乘序履尊三世

張晏曰至成帝乃崩也師古曰乘序

謂登至尊之處也

飛燕之妖禍成厥妹丁傅僭恣自求凶害中

山無辜乃喪馮衛

師古曰馮昭儀中山孝王母也為傅氏所陷衛姬中山孝王后也為王莽

所滅惠張景薄武陳宣霍成許哀傅平王之作事雖歆羨

非天所度

師古曰作起也度居也言惠帝至平帝王皇后七人時雖處尊位人心羨慕以非天意所

居故終用不昌也度音徒各反

怨咎若茲如何不恪

師古曰恪敬也

述外戚傳

第六十七

元后娠母月精見表

師古曰娠音身

遭成之逸政自諸舅

師古曰言

成帝貪自逸樂而委政於王氏

陽平作威誅加卿宰

師古曰謂王商及王章也

成都

煌煌假我明光

師古曰煌煌熾貌

曲陽歌歌亦朱其堂

師古曰歌歌氣

盛也音許驕反

新都亢極作亂以亡述元后傳六十八

咨爾賊臣篡漢滔天行驕夏癸虐烈商辛

張晏曰桀名癸紂名辛

偽稽黃虞繆稱典文

師古曰稽考也

衆怨神怒惡復誅臻

張晏曰復

周也臻至也十二歲歲星一復莽稱帝十三歲而見誅也左氏傳曰美惡周必復師古曰復音扶目反

百

王之極究其姦昏迷王莽傳第六十九

凡漢書敘帝皇

張晏曰十

列官司建侯王

張晏曰百官表及諸侯王

表準天地統陰陽

張晏曰準天地天文志也

闡元極步

三光

張晏曰闡大也元始也極至也三光日月星也

州域物土疆

張晏曰地理及溝洫志也

窮人理該萬方

張晏曰人理古今人表萬

方謂郊祀志有日月星辰

人鬼之神

緯六經綴道綱

張晏曰藝文志也

總百

氏贊篇章

師明

古曰

函雅故通古今

張晏曰包含雅訓正之故及古今之語

文字惟學林

師古曰信惟文學之林藪也凡此總說帝紀表志列傳備有天地鬼神人事政治道

德術執文軍汎而書耳亦不皆如張氏所說也

述敘傳第七十

前漢書卷一百下

前漢書卷一百下考證

為春秋考紀表志傳凡百篇注師古云云○劉奉世云
云○臣召南按奉世糾師古之違似非也李賢注後
書引前書音義曰春秋考紀謂帝紀也言考覈時事
具四時以立言如春秋之經較師古注尤明不必以
成訓考也

賓禮故老優繇亮直注亮直謂朱雲也○臣召南按顏

注誤朱雲折檻事在成帝時此言元帝聽貢禹之言

外割禁園內損御服云爾連下二句讀其義自明賓
禮故老謂于定國韋玄成薛廣德之屬也

述異姓諸侯王表第一○按南史云劉之遴所校真本
本紀及表志列傳相合為次總成三十八卷與今本
異

自茲距漢北亡八支○臣召南按此則八支湮塞在秦
漢之間矣緯書謂齊桓公塞八支以自廣終無所據
成有平年注韋昭曰王延八世塞之○按舊本誤衍八

字當云王延世塞之

信惟餓隸布實黥徒越亦狗盜芮尹江湖雲起龍襄化
為侯王○臣召南按劉之遴所校真本云淮陰殺殺

伏劍周章邦之傑兮實維英彭仕為侯王雲起龍驤
與今本大異以理推之邦字是高祖諱又信越布後
並誅滅史官安得盛稱其美必好事者為之也又按
之遴言真本高五子文三王景十三王孝武六子宣
元六王悉次外戚下外戚次帝紀下如所云是十二

紀之後即次外戚傳諸王傳矣其然豈其然乎

賈作行人百越來賓從容風議博我以文注師古云云

○臣召南按師古謂從容二句亦指使越非也此二

句指賈著新語每奏一篇高祖稱善李奇說得之

前漢書卷一百下考證

侍讀臣召南謹言史之良首推遷固固才似若不
及遷者然其整齊一代之書文瞻事詳與遷書異
曲同工要非後世史官所能及故其書初成學者
即已莫不諷誦服虔應劭而下解釋音訓不異注
經更魏晉至唐初名家磊落相望而顏師古注折
其衷論者以比杜征南注左傳稱為班氏忠臣不
謬也自唐以前書皆手寫而校對極精謠脫相承
無過數處其有板本自宋淳化中命官分校三史

始也雕板染印日傳萬紙於人甚便人間摹刻以
市易者滋多彼此沿襲莫識由來輾轉失真烏焉
成馬故書有板本而讀者甚易亦自有板本而校
者轉難固其勢然也以人人所共習之漢書又經
師古注釋旨趣畢顯校者似易為力乃自淳化歷
景德景祐熙寧百年之中三經覆校當時名儒碩
學刁衍晁迥余靖王洙所奏刊正增損之條累百
盈千積成卷帙三劉刊誤又別為書陳繹是正文

字又在宋祁之後亦足以徵善本難得在北宋時
已然矣況自宋至明刻本愈雜學士家校讐之精
遠不如北宋以前者哉若國子監所存明人舊板
於顏注所引二十三家之說十刪其五於慶元所
附三劉宋祁諸家之說十存其一即本書正文字
句亦多譌脫則尤板本中至陋者已夫古人撰述
既博不無失檢紀表志傳或彼此乖違郡國官名
或後先錯出如高紀書太上皇后書丞相噲將兵

文紀書內史樂布景紀書御史大夫青翟書三輔
舉不如法者宣紀書元康元年復高帝功臣後之
類皆本書自誤非關後人至如地理溝洫成文鄺
元注水經特多援引賈馬淵雲辭賦蕭統輯文選
時有異同藝文志言儀禮之經倒十七篇為七十
律歷志載積黍之數增九十分為一千孔穎達賈
公彥並師古同時人而所据書本各別斯則傳寫
失真之明驗也衍文脫字離句辨音三劉於師古

注銖較寸量未嘗少假借焉校古人書義當如是
爾乾隆四年奉

勅校刊經史於是書尤加詳慎臣照等既與諸臣遍蒐
館閣所藏數十種及

本朝李光地何焯所校再三讐對積歲彌時凡監本
脫漏並据慶元舊本補缺訂譌正其舛謬以付開
雕稍還古人之舊臣召南復奉

勅編為考證謹採儒先論說關於是書足以暢顏注所

發明刊三劉所未及者條錄以附於每卷云

臣召

南
謹識